



鐵
孟
居
士
友
稟

鐵孟居士存稿卷上

儀眞汪全泰大竹著 鴛湖王

榕樹樓秋望借周大幼海作



萬木臨深潭危樓拱平楚曙色涵青冥秋光淡容與高人厭塵囂逸興得儔侶鑿險窮雲根訪異叩巖戶撼撼蘿洞高側側石梯古忽忽間雞犬稍稍見廊廡曠苑天沈寥虛庭日卓午殺氣幽旌旗陰煙羃樽俎羅窗挂飛塵畫壁涵餘雨蕉露吹簷燈松風韻壇鼓轉逕通林皋孤亭背場圃瓦簷呼白蠅砌蘚竄蒼鼠怪魚谿叟射異果山童煮秋深無客來地勝有僧主抱眞愜淨境參元鐵孟居士存稿 卷上 一

憮

舟次鬱水

赤日銜雲臥江底倒射黃波溼船尾蒼雷注地飛紫星龍子繞煙呼百靈青桂紅蕉滿沙渚搖蕩江風半天雨古穴蠻燈十丈高猺人夜起凌空語萋萋月氣成餘霞老魚夜會勾漏砂腥涎滴綠掃不去明日石牀生毒花

邕州

鱗魚抱卵眠江沙鷓鴣嘯入板榔花黎歌啞啞打銅鼓

火田冬綠多人家山邊月黑下漁艇寒星射光照人影
夜半沿灘響竹弓往來遙護丹砂井

古城行

蒼江拍拍春水生野逕絕高通古城崩榛敗瓦少人跡
老雉撥沙成雨聲城下寒煙沒亭戍黎母爭田晝焚樹
飛火山頭墮黑巢猩猩嘒嘒穿雲去

觀蠻樂作

荒服習神怪居民尙歌舞椎髻吹虛沙跣足相銃鼓銅
龍噴霧波布獸超煙炬蒼精嘒鍊刀紅光格飛弩日暮
栖寒雲風迴雜飛兩岩口散戍兵木末下蠻女急景凋
鐵盂居士存稿 卷上 二

華年異樂感邊土心期在幽寄奇目聊容與

上林縣

晨光滿山縣春氣有谿霞過水波羅樹當船吉貝花暖
風嘒鬼蜨腥雨戲天鰕更向蠻村宿泥爐試洞茶

初入土州

絕域衣冠少羈州版籍稀波聲聞鼻飲鼻飲星影見頭

飛飛頭竹釜炊蛇熟銀砂飼蠱肥天南風俗異歌詠覺

全非

田州

族胄原岑祀提封藉狄青軍書傳遜甲民賦比租丁客

問金蠶法官言豕耳靈尹珍如可作應解習圖經

剝塞

荒城連嶺去飛觀接江高毒雨升龍鬪蠻雲偃象山
民淘古辣谿婦射思牢尙有侏離舞黃公咒赤刀

田陽

紅旗青纜下牂牁烏滸春深碧瘴多象跡翻雲騰古壑
蛟涎吹雨入荒河東風早見枕椰熟南客虛傳蕙苒過
寂寞邊關懷往事瀾滄淩絕漢時歌

馱蒙江接夜郎天畫鼓清鏡下水船海雀飛羈生暮雨

瘴花開盡滅春煙邊兵唱漏谿中出蠻吏司燈漏口眠

鐵孟居士存稿

卷上

三

間道邛州炎火地捕魚操管是何年

盤江行

盤江水力秋弦直兩澗夾江流不入蒼崖橫出排神功
倒蹴波濤高十尺青銅擊杵奔孤雷東來瀑布如龍飛
森然翻石射雲外昨夜山根蛟子歸漁舟逆上盤渦急
側過清潭網重集驚魚衝浪不能去江底脚沙向人立
我經險絕悲心魂電喧蚊聒愁黃昏已幸艤舟近赤坂
何期驅熱煩風門三更露下檣燈滅遙見舟人渡頭歇
蠻語侏儻隔水聞篷窗獨臥疎林月

蠻寺

蠻寺青峰裏深松掩夕曛虎暹潭上雨鷹下殿中雲紫
瓦封唐鼓丹碑勒宋文淒涼舊經閣重拜狄將軍

舊州

侵晚發田陽向夕抵舊州岸歛入禾黍水仄沿松楸氣
蒸鰕魚毒蔭熱蚊蚋稠遙夜變清候殘更似涼秋村高
月慘慘野黑風修修燈影未掩寒人聲尙行舟良時惜
晚晚芳洲獨掩雷粵中憶陸賈感春未能酬

永淳作

平臯向春夕餘景延清眺經行獨逍遙向往頗幽奧清
燈蠹吏家細樂蠻神廟谿犬吠繁星坡羊立殘燒閒路
轉晴雲空岩閉寒瀑仙童碧印書羽士丹砂竈攀花野
鶴隨采藥流螢導月出相與還山深不可到

隆安晚泊

莽莽古交趾將軍歸義侯戈船竟安在日黑滄江流野
風吹枯火蠻鬼唳榛邛驀然山徑雨拍樹飛鶴鷗傳子
定絕域馮公矯兵謀勛名豈往代身賤悲吳鉤

大灘

居風門掩碧雷子赤削烏丸鎮春水雨工入驅河底星
帖帖銀砂伏龍尾青波小港飛魚鷹鰕籬蟹柵相層層
漁人夜臥枕橫石榭葉枳花燒網燈

自二塘至思恩宿佛寺

藍思村徑遙人熟，腳踏山花走山腹。蕉香不絕吹苦風，
清雨灑寒蓑。背綠暮投古刹，天始晴。寺門俯瞰東郊平，
枯澗泉淺鴉。雀下高原，火靜牛羊行。寥寥春日悲清遠，
壞徑欹橋獨往返。老僧鬪菜供馬芻，走卒捕魚充客飯。
一日經過千萬峰，塌來臥夢常惺忪。息言掩室羨摩詰，
鑿山開道哀唐蒙。

湫波巖

侵曉登西山，近郭無一里。春潭百丈深，怪石中流起。颿
風相盤旋，日照不見底。泉穴通高峯，中有黑龍子。清夜
鐵盃居士存稿 卷上 五
吸月華，驚濺挂雙尾。人聲蒼崖上，藥氣白雲裏。我欲跨
飛鶴，追蹤羨門子。

踏歌行

蠻村女兒相踏歌，歌起東風吹薜蘿。千峯夕照半明滅，
照見客船山下過。舩頭撥浪如噴雪，有客聽歌徑愁絕。
暮春三月春草長，鷓鴣嘯花滿楊越。昔時豪氣今如何，
把酒解憂憂更多。忽然月黑歌聲歇，涼雨空江飛白鷺。
邇來日孰蠻中字，耳識侏儻辨倫次。官商操切不堪聞，
散髮偏髻竟何似。四更煙露天始晴，星光遙見零陵城。
黃蘆苦竹背江去，更有清清猿夜聲。

長沙

東去長沙幾日還，羈情搖落滿江干。
湘靈遺恨猶嗁竹，楚客傷心祇種蘭。
水驛星光春黯黯，風舟人語夜漫漫。
章華宮殿今何在，猿鳥荒城又曉寒。

荊門行

荊門星火天沉沉，古潭流石虯龍吟。
長波捲白似清晝，寒聲四月迴窮陰。
船旗舒舒尾相亞，涼月蓬蒿照殘夜。
山雞亂唳太白高，戰場沙飛木葉下。
前日瀟湘春浪多，江花不盡聞楚歌。
春光催人發愁思，夢魂北渡滹沱河。
人生富貴須行樂，孔甲盤盂不須學。
舟人解得乙巳占，鐵盃居士存稿。

卷上

六

曉插風烏看風角

宜城行

滄浪望禹跡，東流注宜城。
宜城時恒寒，十日九不晴。
江光夜激激，決地騰金精。
霍然落千丈，如雷春震驚。
是時山月白，戍鼓報一更。
清天無兵氣，牛馬盡悲鳴。
野火下波濤，高風人哭聲。
我讀五行志，頗非漢儒生。
陰陽適然耳，附會何溼溼。
金支翠旗下，疑有蛟龍行。
羈旅猶未已，兀兀哀民情。

渡黃河作

炎炎山氣生白沙，午中日腳飛青霞。
大梁渴地五百里

六月野田枯麥花黃河西來何蕩蕩萬丈秋隄屹相向
江湖意興益蕭條關塞心情歎悲壯西方日暮天河清
火照青松烏夜驚箕斗流星大如月南風吹下許昌城
我從前年渡清口淮水一石泥一斗河身日長堰日高
何不鑿渠通海艘今年驅車走鞏洛秋汎無期夏風作
暮春河合孟津東老龍下護波濤惡生殺斯民自有神
窮通須致百年身漢家禹貢全圖在王景功名豈異人

題號舍

煙樹城東道芳華過晚春升沉今夜月忠佞幾朝人消
息非文字虛靈漸鬼神遙情滿山海孤立看星辰京洛
鐵孟居士存稿卷上

七

無閒歲江淮有逸民風簷長寂寞吹竹夢伶倫

汝陽題寺壁

平原迢遞上斜暉寂歷松杉掩翠微水斷村橋無客過
雨寒沙苑有僧歸升沉異地三秋暮歌哭中年百事非
記取龕燈曾照我此心何日暫忘機

昭州

黯黯昭州路經行獨惘然朱犀眠積雨青鳩叫杉煙暝
火歸龍戶高帆下蜚船不堪秋色裏幽景百愁邊

自東小道訪魁神寺僧

幽賞契吾性逍遙步青山翳然松栢下谿煙夕漫漫翠

微有人跡鐘聲在雲閒微月上巖戶僧與猩猩還獨掃
青石榻桑火然秋寒枕經三百卷靈機常內看暢元未
見答抄藥良獨難悵然尋舊徑歸來還閉關

和竹素韻

僑居避人久行徑入山深林屋無全暑崖門有積陰竹
高雙鳥宿潭暝一星臨幽事誰能說儵然寫道心

贈蕭將軍被調征臺灣賊退至廣東旋師

沙場雨黑天雞鳴城頭銅角吹羽聲將軍夜點臨賀兵
夷歌淒淒滿涼野部曲前山洗蕃馬戎衣揖官轅門下
清江西流煙瘴昏飛鳶遙見南崑崙樓船功名今始論
鐵血居士存稿

卷上

八

東來羽書賊圍解封侯骨相終須在軍迴海上暮秋時
獨召偏裨問水師

自鳳凰寺登山絕頂

高峯入雲棧怪石相鉤連我來登絕頂日落山寺前西
行盡黑壁飛蘿蓋人煙蒼然見城外歷歷江上船采藥
入林口燒尾明枯泉下有野雉窟時覺岩風羶冥搜未
易歇延眺忘塵筌誰爲結茅宇永謝區中緣

發平樂至陽朔

嶺門榔樹風騷騷臨賀故城天半高猺姬兩種作蘆寨
狷客星居開石窰伐船朝從浦口入慘澹中流日將黑

清霜暗下獨鶴巢野火潛燒老猿窟山根泊時寒浪清
榜人夜會當明星木瘤浸泉苦藥氣石乳挂岩枯筍形
幽景淒淒興無極前頭秋險灘聲急客子淹留惟暫時
明晨更下湘源驛

所居與李松圃先生我園相望賦此以贈先生

亂石成幽徑閒門向野雲林窗秋始見谿柝夜相聞勾
漏無眞藥蒼梧有軼文擬將稽古事尊酒問延君

答松圃先生見和竹素元韻

登臨發清興風景入殘年谿市響餘兩山橋明積煙鳥
言通骨卜蔬會養心禪擬覓丹砂去仙巖夕望邊

鐵盂居士存稿

卷上

九

杉房留古石藉壁長孤雲棲雀雪時見躍魚風夜聞星
參臣瓚注醫解帝鴻文更擬分幽事清齋學鄭君

祁竹軒學使以除夕感懷見贈賦答

山雨夜始急壁火寒庚庚慘澹歲將盡寸心時自驚賤
子二十餘鬱鬱負平生顛上有華髮蹉跎竟何成頗習
孫武法不敢言縱橫獨嗜韓非書綜覈實與名鷹隼望
秋氣歛然思一鳴搏擊非其時吞聲取難乎世人尚華
士使君多古情贈我四十字夏夏清徵聲語意有顯晦
深會殊分明雲泥今際隔何由共王程感歎係以詩聊
用報瓊英

桃花菴贈大醇師

春水橋西路相尋日每斜叩門惟野竹供客只溪茶佛
未參迦葉經能演法華欲將淮海事一爲問龍沙

運河晚行

雙聞聞頭吹暮沙車羅壩前初日斜竹籬背岸著新果
石嶼傍船開野花魚網隔江六七處村春帶雨兩三家
沽來濁酒不成醉臥聽打麥聲啞啞

晚泊遣興

一片秋帆落蒼然暮景澄江禽栖亂石山犬吠寒燈病
淺心無礙神清睡未能空灘明月上風水又相仍

鐵盞居士存稿

卷上

十

萬安作

隱隱虔州驛高帆正夕陽江源接閩粵人語雜荆揚沙
竹澄秋氣溪蘭豁夜香何因召龍女還與話滄桑

南雄州

南雄驛在淩江上青石城門紫界牆蠻女和根移茉莉
山童連葉賣柅榔魚鱗屋上朝煙溼雁翅橋邊夕照涼
莫問樓船當日路潺潺秋水向滇陽

英德晚泊

江黑雲低瘴木稠亂山深處是英州荒灘一夜瀟瀟雨
不待天明已白頭

曲江舟次作

涼風吹白沙冥冥瘴江夕清光亂波濤明月下石壁始
興十月中炎蒸未稍息岩花尙芬芬岸蟲猶唧唧微形
慮時徂澹志感物役樵火冬漸繁估舟夜仍急佛理臨
曹溪仙踪近皋石元象庶可求願言謝塵跡

官不出行

清遠縣十月中接官亭下紅燈紅驛夫灑掃不敢歇江
邊探騎何匆匆報道官船今早發已時已過東城東大
舸參差蔽江下峩峩壓波披長風胥吏傳呼盡鞭撻估
船辟易飛秋蓬岸頭知縣垂手立簿丞屏氣如僵蟲是

鐵盂居士存稿

卷上

十一

時空江日卓午只有先生睡如故口渴索茶童不磨盡
向船頭看官去日沒城頭知縣回布棚月出夔夔鼓道
旁把總巡更行復向官船道辛苦借問官船官是誰舟
人指點回頭語君不見燄燄紅旗一丈長大官眷屬口
巡撫頭船八座夫人船船尾僕婢多如水一歲九遷恩
數稠男兒作健當封侯今年今月作巡撫前年今月南
雄州我聞此言重有憶江西巡撫瑋公弼前年六月朝
天時赤日滿江發船急紅旗散漫爐煙繁江上千官萬
官立送行跪者府縣州司道官高敢長揖賓從歡騰千
里行陸見歸來許馳驛一朝病歿臨淮關去報縣官官

不出

舟抵南海

蒼茫驛路接南夷海上風波晚更移鵬嶺西來山氣惡
鱷湖東去水情奇荔枝苒苒趙佗冢杉葉陰陰陸賈祠
王佐霸功俱寂寞孤帆空向日斜時

珠江晚眺

晚潮猶未上春色滿江邊綠瓦番官屋紅檐蠻女船花
隨鄉思發月共客心懸欲把衣塵浣煙波又一年

番禺客舍口占

陰陰客舍背江津滿壁蒼苔滿地塵樓上孤燈聞瘴鳥

鐵牛居士存稿

卷上

五

街頭斜月見夷人淺深海路行千里冷暖山風坐兩句
只有蕉花紅不歇隔牆猶送幾枝春

和雲心七夕詩

星漢近初秋西風見女牛離離深夜影耿耿故園愁花
骨新羅裊蛛絲舊畫樓寂寥京甸月清恨墜銀鈎

和雲心夜月

城南懸夜月秋色滿長安處處空相憶年年祇獨看短
花垂露白叢桂著天寒不待清霜日羈愁已百端

和卓海帆秋柳詩懷張船山先生

永豐坊底一株黃憶昔題詩向草堂搖落酒壚悲漢北

參差鄰笛慟山陽王恭故邸曾春月張緒孤墳但曉霜
三十年來似塵夢重吟秋柳倍淒涼

牡丹

牡丹小宴京塵晚江左開時記畧同畫閣每逢三四月
銀燈分照萬千叢春來感舊知誰在老去看花似夢中
金縷銷沉腸斷久平章門館尙東風

石橋行

石橋沮洳春草清闌河昨夜春水生城根野雀有時滿
沙際豪馳無數鳴東風澹蕩晴絲直坊市韶光映雲日
只有郎官白髮新年年不見春顏色

鐵盂居士存稿

卷上

三

龍樹菴晚眺

春水浸荒陂蘆葉綠如昨平皋生野煙一里見高閣細
徑取寺門登臨日將落殘雪挂天西參差翠微薄石殿
對松陰繁香閉銅鑰中有東吳僧金經梵音作伊余惜
靈境暮齒念棲託永願結茅菴餘生亦林壑

游李雲門侍郎故園

曾見侍郎游讖日重經池館踏晴沙簾櫳寂寞春仍暖
絃管銷沉日易斜四五層陂猶種竹兩三行樹尙開花
年年朝士尋芳到誰惜平泉舊歲華

感閭門舊事

甌春門巷記蘇州水上簾櫳舊畫樓
羅衷暗香金跳脫
紗幘低響鈿篋晚花爛漫會紅雪
新月淒涼久白頭
能得幾回傷往事
京華燈火似深秋

夜坐懷清遠上人

夜久忘炎暑
開門綠野空
草香知積水
蟲語覺微風
薄俸貧難待
祥刑道已窮
蓬廬倘相借
飛錫逐支公

和海帆西直門外卽事

白石銀河接上台
紫雲金闕望蓬萊
建章垂柳參差見
太液新荷次第開
舊日皂雕馮翊在今年
名馬大宛來
時清不奏防邊策
朝退看山月幾回

鐵孟居士存稿

卷上

十四

軍機直房遇張詩舫卻贈

左掖聽籌正趨走
承明簪筆更經過
紫衣香拂宮花遠
玉珮聲迎御柳多
應笑汪倫夢宛口
卻逢張緒在靈和
舊來同向絲綸閣
池上新詩近若何

哭謝三牧之

弟兄羈旅官仍在
冠蓋崎嶇夢幾場
十載刑曹空落拓
一麾蠻徼太荒涼
南漳屢念劉公幹
北海曾悲盛孝章
欲把平生更追憶
天涯孤櫬與斜陽

元方早宦共蹉跎
法護中年哭軾軻
百口江干生計少
一棺泉下故人多
孤兒山縣君難見
舊宅天街我尚過

夕照寺前東潞水白頭相向愴流波

西曹夜值

期會厭於衙舍宿文書愁被吏人催兩甌瓜液心初定
一枕槐陰夢未回廳後鬼煙籠燭暗牆陰囚血浸花開
金吾驍騎三更到卻喚都官對簿來

長歌

月映沙垣檣葉赤涼燈白燄天根黑舊畫三年掃壁塵
花枝尙似江南北西曹惻惻鳴金風昨日錄囚槐蔭中
隸卒呼名跪階下撲地琅璫摧血紅法司勾檢倉天祿
似獸充饑噉人肉李愔律旨空巉巖霜雪侵心不能讀
鐵孟居士存稿 卷上 五
細草京門吹綠煙秣陵夕夢秋茫然莫愁湖畔好雲水
可惜買山無一錢

題徐秋潭將軍詩稿後

西域新詩紀太蒙將軍兵在白蘭東大宛苜蓿秋河遠
突厥箜篌暮嶺空勒石不煩班固作雅歌能與祭遵同
草堂祇在江南北擬築郊居候鄭公

鐵孟居士存稿卷之上終

鐵孟居士存稿卷下

儀真汪全泰大竹著 鴛湖王 相惜菴輯

和雲心早朝

諸曹並侍天階上列宿遙明御仗前
太液曉晴風色定建章秋暖日華圓
旌麾舊第臨黃道劔珮新恩拂紫煙
獨有季鷹憔悴久鱸魚長憶晚江邊

秋夜聞歌

邏迤檀槽夜夜聲江南平調最分明
西鄰不識劉賓客誰遣何戡唱渭城

寄祁竹軒中丞粵西

鐵孟居士存稿

卷下

一

瘴林煙嶠綠嵯峨開府天南想玉珂
赤微行春新節鉞烏蠻拱日舊山河

中丞丁卯年會任粵西提學

石棋曾聽談臨桂銅

柱親看咏伏波二十年前鈴閣下祇應王粲記經過

灘南湘北水滄滄再見樓船上百灘司寇霜威千里到

中丞風節萬人看賓僚定有新時彥郡縣應無舊屬官

知向韋廬重駐馬青楓門巷海天寒

謂李松甫先生

銅鼓高樓白日閒交州驛使向長安
新秋卻奉陳公札

舊吏仍憐范叔寒南國波濤懷故里
西曹霜雪感廳官

公卿滿眼誰相念手把瑤函著意看

少年幕府曾趨走畫燭清尊滿節堂
豈意蹉跎成卜式

更無經濟似馮唐半生詞賦身如葉入口飢寒鬢已霜
今日白雲亭下路春風猶自望甘棠

潘紅茶布政話舊作

北風天北雪滿眼彰義門東歲華晚使君六十猶少年
鬚眉甚澤顏色鮮超然好道有仙骨能使金華出筋脈
達官向日守紫薇內景何人訣黃石豫章舊泊沙水繁
值君佩印乘高軒短衣握手走相見風掣大旗開兩轅
偏廳對飲燈燭亂羈客將行奴隸喧殘月層冰屢追憶
酒酣夜出章江門十載幽憂慟懷抱慘澹先塋拱秋草
箭鴈心摧一人在隙駒骨痛諸兒天只今落拓居曹司

鐵盂居士存稿

卷下

二

白髮空齋散衙早京西夕照翻黃榆萬屋參差故人少
壯年蹤跡潛悲辛倏忽舊遊三十春雄譚快謔斷忌諱
意氣曾干千丈塵長安花開二三月天街絡繹鳴朱輪
豈無宴飲似疇昔依阿世法長逡巡近聞吳楚大飢水
倉卒黎民背鄉里宣撫流亾南紀同陽和詔勅東山起
自甘元字終寂寞祇合丹砂就園綺峩峩節鉞朝玉京
尋我焦先石巖裏

卓海帆太僕江山縱覽圖王石谷寫於天闕放眼

樓者

金陵城南八月潮石頭北接天闕高危樓縹緲抱日腳

老崖光景窮秋毫畫師李范俱久沒近者王翬有神骨
放眼能同峴首情會心每向營邱得江東千里何蒼茫
登樓縱筆圖縑細眾壑盤紆插地黑長波淳濶摩天黃
忽看細路菱田轉復著空邨茅屋淺涼濛叢樹拂霜低
敲側孤帆帶雲遠短燭生綃坐蕭瑟少壯扁舟倏追憶
灘渦日日傍山來磯背程程截江出中間洞庭與鄱陽
白沙暮接青草涼沃焦東望海鰲口虎牙屢泊西宜昌
三州隱見秋色改六代興亡夕陽在水墨陰森已百年
風煙浩蕩空于載太僕故鄉臨劔門銀濤滌滸蒼巖昏
赤甲白鹽控地脈瞿唐灑預迴天根層潭疊嶂居險要
鐵盆居士存稿

卷下

三

州嶼東吳形勝少何人繪作岷山圖歎息王生不會到
我探禹穴登會稽瀟湘浮舸窺九疑平生蹤跡追司馬
惜少丹青顧愷之

顧愷之有瀟湘九疑圖

送白七使西安

虎節嶢關路萬重使君年少五花驄冰船負弩過臨晉
雪驛鳴笳向武功秦魏山河春草在漢唐宮殿夕陽空
東歸試訪希夷峽一卷陰符太華中

偶成

河經泗口波濤緩開改畱城壅滯俱鄭白不聞開水利
褒斜仍見議漕渠謝莊能製山川式王景空摹海岳圖

只與太立同警聒秋風憔悴白髭鬚

寄潘紅茶雲南

昆明金印舊嵯峨近日黃庭注若何南海故人長貴達
西曹散吏少經過濮髻千寒春風早蒙段諸山夜雨多
黑水伏流應得見因君還問葉榆河

癸巳三月三日

三月初三東郭路白河蕭瑟叫鶉鴣曾聞荇葉搖紅艇
不見桃花宿鈿車官壠淒迷風漸滿旗田荒暖日初晴
江南徧是蒟蘭水尙有春人憶舊無

珠巢街觀音院

鐵盂居士存稿

卷下

四

西山二月生晴霓街南匹馬風淒淒纔交邨口野花發
欲入寺門山鳥嘯舊址蔬籬在岐路往時茅舍臨荒谿
昨聞畚鍤古原上更開亭榭平林西高捫蒼蘚過石壁
下踏黃蘆行水畦冥冥空苑晚沙闊慘慘繚垣春日低
參差柳眼未飛雪歷亂荷根纔著泥畫幔神祠覆火鴿
叢燈佛閣明金貌寓客番冠近巫覡老僧蠻語如鳧鷖
自笑形容已衰老卻隨魑魅相攀躋猶勝五刑校地獄
不如一鉢忘天倪森然龍象在胸臆寂寞詩篇空白題

太原溫尙書寶刀歌

君不見溫尙書荊州刀金精浩蕩明秋濤經畧額侯昔

所佩西征殺賊腥風高額侯病歿培江口贈刀笑把尚
書肘但言川陝未休兵誅戮鯨鯢在君手尙書駐馬興
安城晝夜刀環龍虎驚提兵大小百餘戰黃河西路煙
塵清豐貂冠上珊瑚赤翠管花翎映寒日腰懸綠鞞鼓
角鳴秦蜀軍功第一汾水西流秋月明太原墓上秋
草平公子華筵飲我酒令我歌作寶刀行老夫膽壯頭
已白八閩今年海氛急蕭條兵畧滿胸中歎息樓船不
相識

春草

拾翠金隄小裏紅裙腰纖細舊東風如何綠遍江南路

鐵盂居士存稿

卷下

五

祇有秋墳在夢中

贈晉漁

居近馮煖宅相尋屢見過閒門故人少今日達官多秋
語及芳草夜燈明白荷與君悲尺籍歸棹意如何

處世

處世但畱雙鬢雪應官惟少一囊錢荒涼舊屋三千卷
落拓諸曹二十年鄒衍談天窮鬼怪大章區地作山川
近來畸士經過少日向檣陰坦腹眠

湖船曲

鎮淮門北湖船早江南六月揚州好十里亭臺晚燕噓

四更歌吹秋螢少湖上夜來明月多月色繞船明綠波
叢叢水檻亂銀燭處處風簾雙翠娥櫻桃繡著吳衫淺
茉莉珠垂越髮暖韓壽襟前香未銷秦宮枕畔花仍滿
翠閣朱樓厭起居雕盤綺食逐歡娛縱橫不值沙陀利
調笑肯妨馮子都金谷芳菲不相待玉鉤池館須臾改
淮王桂子何處尋煬帝瓊花幾人在廢宅荒園海氣涼
絕纓投轄恨菴茫已經畫角悲南浦不道鈿車上北邙
誰遣繁華坐銷歇空城白日寒如雪劉晏猶傳改度支
孔宣詎善持鹽鐵衰草層雲廿四橋千門萬戶雨瀟瀟
莫問行人揚子驛只今惟見廣陵濤

鐵牛居士存稿

卷下

六

閩江南秋雪開桃花

淒淒窮巷午陰斜瘦骨霜髭撲面沙捫蝨無人識王猛
放麈何日用秦巴五陵冠蓋將軍宅三省軒鐘宰相家
不問流亾江左路滿城秋雪見桃花

著眼

桃葉家何處梅根恨杳然亂花秋似夢殘燭夜如年著
眼新簾幙驚心舊管絃當時涼月在猶照女牆邊

畫船行

三月畫船思故鄉綠波照眼春茫茫雷塘柳梢十餘里
千萬撲船蝴蝶黃金尊酒酣日將暮高筵紅燭三兩行

月出東風屢澹蕩美人珠翠生繁香當時光景能絕憶
佳節長安久蕭瑟山陽蹤跡感平生況聽東鄰弄長笛
纔過寒食五六朝孤館唳鶯似江北桃花不是息夫人
相對空簾少顏色

蒼介春尙書孫過庭大硯歌

孫生大硯千餘年尾箕燦爛明秋煙縱橫二尺斷巖脈
蟾蜍滴水長新鮮當時臥病邛山宅著筆還如永嘉石
飛騰章草萬人看索靖張超少顏色峩峩雅頌蒼尙書
垂名玉牒朱輪車羽林諸曜映驪馬辟邪白晝鳴金吾
汝陽材藝真無敵墨器遭逢倍珍惜參差寶匣抱珊瑚

鐵盃居士存稿

卷下

七

不數黃金萬千鎰君不見楊雄鐵硯漢製良河內得之
劉守璋右軍石硯世希有復入山陰老人手只今文苑
屬天家並與前賢傳不朽瘦書鑿背何崔巍硬黃搨本
蛟螭迴周人科斗硯銘在我讀太公金匱來英豪蹤跡
悲長往蒼碣森然照叢莽陳子昂曾爲
過庭墓誌只是沉淪草澤
人古犀風日誰相賞滕角高懸海嶽青尙書拂拭感幽
靈九州不少輒軻者豈獨嵩陽孫過庭

天津橋酒樓

酒樓二月半柳芽鶯已噉春風石橋北白日向人低平
生重意氣咄咄干虹霓擊筑滿燕市酒徒空爾爲昨日

黃金臺醉策句驪馬步出城南門寒雕起平野蕭蕭易
水西萬古長城下不逢高漸離獨自悲歌者

中頂東嶽祠題壁

天齊古祀自周漢臨淄淵水當龍湫太公八神最爲貴
靈旗法鼓喧荒邱秦人會稽並海上燕船風作離瀛洲
僊人大藥失所在歷歷叢祠空九州遶殿頽雲向長晝
泔溪落日如清秋野人踞石浴蒼狗健婦插花騎白牛
荒涼時饗煙景異雜沓農叱香火稠塵漬衣冠暫瞻仰
水羞蘋藻仍淹畱我登日觀五十里曾聽松澗鳴颼颼
只今衰老能想像金雞叫嘯天東頭安期羨門屢相接
鐵盂居士存稿 卷下 八

秋夜聽簫

寂寞荒園聽晚簫半牆斜月夜迢迢西風白髮無窮恨
何處江南廿四橋

白髮

閩粵兵戈日瘡痍百萬人朝廷須衛霍州郡望甘陳歸
計清江遠生涯白髮新雲中誰薦達風雪映閒身

送梁碧君之廣東

珠海從戎晚何人說尉佗孤舟經島嶼落日見兵戈白
髮生涯少青山故里多南風試回棹春色滿湘波

城陰

寂歷城陰路鳴鞭度石濠千家殘雪遠孤塔夕陽高春
色兼籬落人煙帶枯棹涼風催倦眼歸夢過東臯

尺五山莊

貴家池館接新豐白髮重來萬感中風掃燕泥山閣在
雨喧蟲葉水亭空金籠舊見邀青鳥玉砌曾聞躍紫驄
今日板橋無客到野蒿零亂夕陽東

河西驛

迢遞河西驛龍灣向夕過松陂秋雨亂茅屋夜燈多孤
矢猶東海芻茭更北河間雞同越石垂老惜蹉跎

鐵孟居士存稿

卷下

九

楊村

南蔡邨南老更過西沽西去接溹沱瓦亭迢遞臨空岸
石壩荒涼向舊河陂外樵船秋水闊橋陰漁網夕陽多
秋原何處高閭冢今日雄材只軼軻

舟次交河間岸上歌聲感賦

少年衝雪下交河驛館蒼涼匹馬過挾瑟昏燈尋趙女
吹簫明月憶秦娥青山不改離情在白髮重來舊恨多
傍岸柳枝誰更折水牕猶唱定風波

東昌

魏水茫茫繞郡過弁山晴望更嗟峨風煙西接唐三鎮

城郭東開夏九河宗澤功名館陶在臧洪氣節廣陵多
牟州攻守無良策手把孫吳惜軾軻

重九日邳州作

莽莽孤城感歲華一帆迢遞遶湖沙已將移宅同桓景
更欲參軍學孟嘉澗水風生聞白鴈碭山雲起見黃花
荒涼戲馬臺前路萬古扁舟日又斜

太平江行口號

叢蘆衰草接江天重過龍山二十年小艇兩三寒雨裏
空疊千百暮潮邊劉琨半夜悲徒爾宗愨長風歎適然
榮落古今東逝水滿頭霜髮枕書眠

鐵孟居士存稿

卷下

十

泊和州曾魚口

沙際和州路曾魚舊口門晴風催野艇寒日晒江邨晉
壘尋孤堞吳兵記故屯空餘雙白鷺煙草自黃昏

寒潮

寒潮東望接煙塵千里扁舟百感身深夜空江只明月
亂離消息問何人

江行感賦

江南山色夜青青江北船燈數點星兵氣荒涼殘月裏
諸公何處泣新亭

彭澤阻風

白髮扁舟裏黃昏蠹澤東山城寒帶雪江市暗兼風尺
籍官猶在臯比道欲窮不煩漁父問蹤跡已蘆中

二月十日自漢口放舟晚至赤壁宿

東風昨夜江邊宿侵曉野梅吹簌簌不知春色從何來
但見千峯萬峯綠去年西過長風沙今年歸舟瀆水斜
漢皋神女夢中見空祠爛漫開桃花前頭赤壁波如雪
戰鼓當時鳴不歇茫茫青草白沙洲吳魏江山但明月
夜半不眠憑水牕拍拍野禽飛一雙曙星未落榜人起
更挂孤帆下九江

江北山店夜宿見月

鐵盂居士存稿

卷下

十一

月明深夜後人在亂山中一畝荳花露滿牕杉葉風翻
翻墮簷雀唧唧上階蟲滅燭聽溪水清吟昨晚同

壬寅六月初八日夷氛入圍山關至鎮江揚州大

亂避難北行至邵伯舟中作

夷氛入江口烽火接揚州警報傳斜日空城似晚秋亂
離經野市衰病泊孤舟一宿漁燈裏飄飄似海鷗

掃門

掃門當曉日蟬噪已清秋草色明輒蒼槐陰落瓦溝渡
江間散卒防海見空舟何處追韓信叢祠向楚州

六月

六月西風早秋雲忽已高楚城明葦葉淮日隱松濤火
照金陵渚兵摧鐵甕濠猶聞新大帥河上駐旌旄

咄咄

咄咄書空恨悠悠避世心愁兼秋樹亂病與夕陽深蘇
壁朝陰早蓬門夜氣侵親朋長不見多難更相尋

鄉井

鄉井人何在戈鋌日又曛衰年兵裏過
友病中間字掃吳天月蝗飛楚澤雲關山千里道何處不離羣

世事

世事已如此悲歌將奈何生存存手戶少離亂一身多落

鐵孟居士存稿

卷下

三

日明叢嶺西風響大河蕭蕭南北路無復片帆過

寂寞

寂寞干戈外羈孤老病中有時同夜月無地避秋風鄉
路應難到家書久不通近聞增歲弊魏絳已和戎

滕縣道中

秋田一片綠幾樹晚蒼紅孤客水煙裏半村山翠中雙
車隨夕照九日向西風欲詠幽詩句栖栖道已窮

自蘭陽渡河入大梁作

中牟六月黃河決蘭陽隄下河流絕西風猶作怒濤聲
捲起殘波赤如血大梁城上見孤雲千里沙隄又夕曛

寂寞夷門今日路人間何處信陵君

青陵臺

明月出黃河照見青陵臺東流與別恨萬古不能迴沙隄下有相思樹開徧野花隄畔路年年蝴蝶逐秋風恐有英魂共來去

大梁旅館

博浪城西萬斛沙長街寥落日初斜著書空見虞卿宅
儲舍難尋郭解家遠志幾叢孤宦草來禽兩樹異鄉花
黃河更值秋風起愁向夷門聽晚笳

夜宿黑峒口

鐵子居士存稿

卷下

三

旅宿金隄上河燈夜更清月高槐柳氣風定馬牛聲
槿舍餐常晚蘆牀臥到明一官悲白首寥落向秋晴

閒居

閒居河上久春事又相仍水影蘆灘月人煙草舍燈
官如異鄉客身是在家僧欲注楞嚴義塵勞淨未能

中牟道中

煙水中牟道輕車繞決河寒風渡牛馬殘日下鼉鼉石
壘官衙遠沙埋殿佛多亂離同戰伐垂老畏經過

防河

波濤春又濶滿眼暮山青一縣魚龍氣千官草木形空

郵畫星斗荒藪祭精靈誰識河源委茫茫岳瀆經

河津

水口春光滿萋萋物候新殘陽十二月曠野兩三人瘦
馬嘶風久飢烏掠地頻荒寒餘白髮猶自向河津

丙午春初臥病大梁蔚卿過慰良譚遂深夫生老

病死人之常也受想行識淪胥以歿聽遷化於
自然詎足論耶於時送客旣去空園寂寥夕照

灑人寒在心背俄而西風驟起薜荔先鳴山鬼
欲出冥塵四飛迨人蹤稍定微月東升天邊曠

黑州郡蒼然千萬名場悉成夢界觀夫光陰造

鐵孟居士存稿

卷下

十四

化如是无常氣血微軀烏乎久恃回思京城曩
昔游譙歷然心目已數十年尊甫諸公次第泉

下當時冠劍無一存者獨畱衰骨俯仰人間豈
靈光之歸然抑日及枯枝未值虞淵返景爾嗣

宗懷人蘭成思舊撫今追昔夫誰知者以此言

哀哀何極焉詩一篇以貽蔚卿異日陳迹復移

於斯文追論今之感歎者又與風煙共幽壤久

矣

往來愁病似江湖數卷金經暮復朝寒月影邊成獨客
疎鐘聲裏近元宵一官歧路空惆悵八口貧居更寂寥

惟有元暉猶過從烏衣門巷共蕭蕭

王謝堂前記屢過流光回首太蹉跎簪纓散後青山晚
親故亾來白髮多修竹廢園惟落日亂花孤館又黃河
冷齋夜話無人聽長憶春風舊永和

鐵盂居士存稿卷之下終

鐵盂居士存稿

卷下

五

大竹太守劍潭先生嗣君也以名進士官比部曾一出
守閩中卒於東河孔君宥畱稱其詩奇秀天成光氣奪
人神魄嘉道之間殆罕其匹太守舊與慈雨吏部至交
編入友聲亦珠聯璧合云甘岩王爨之謹識

錢孟居士存稿

跋

惺齋詩存

惺齋詩存

崇川成文燦惺齋著 鴛湖王 相惜庵輯

庚子春重赴安東學署有感

苦被名牽更去鄉學書學劍總徬徨傷心南浦天涯遠
芳草迷離又夕陽

雜詩

郭外春光好行行晚更幽林深喧鳥雀日夕下羊牛野
曠偏宜月籬疎爲憶秋詩囊收拾得裙幅紀銀鈎
平生幾兩屐適野興清幽鳩婦頻呼雨邨童競放牛遠
山青入畫新漲碧於秋徙倚忘歸晚林梢見月鈎

惺齋詩存

和朱石甫秋興

色絲妙句寫烏絲棲老梧桐鳳有枝雅擅雄才追宋玉
不將殘錦乞邱遲聰明冰雪秋同淨磊落襟期酒獨知
許我奇文共欣賞摩挲老眼讀新詞

和沈春泉用東坡句

菊殘猶有傲霜枝靜見高標拔俗姿幾陣西風催木脫
一庭斜日上花遲立餘疎影神偏俊看賸寒芳我自知
采采落英恣鋪啜橙黃橘綠佐匏卮

黃圃感舊

閒中挈榼訪雲阿三逕荒煙繞薜蘿此日只憐花欲盡

當時猶恐地無多，烏喙夜月情難定。
燕入斜陽事奈何，省識游人舊題句。
籠紗空歎壁痕訛。

劉將軍詞

嶺外荒祠抱夕陽，歲時遺老獨烝嘗。
霧旗夜閃秋河影，石馬晨嘶冷露光。
莽莽野鳶飜凍瓦，陰陰山鬼嘯虛廊。
愁雲滿地連沙草原，是將軍古戰場。

壬申嘉平李少白世講見訪惠詩依韻賦答

輶軻歷盡口難名，方寸常教五岳橫。
屈指前塵如隔世，捫心微祿誤浮生。
青氈坐破渾無味，白雪吟來閒有情。
交契紀羣能耐久，信知桂樹足冬榮。

惺齋詩存

九日斗山亭宴集

二

直上星辰把酒杯，最關情處此亭臺。
山兼野色連天起，雁雜秋聲帶月來。
鰕菜忽飛千里思，菊花曾見幾回開。
樽前不用頻相勸，自有紛紛落葉催。

和二弟對菊雜感韻

菊花無恙竹平安，三徑重開一倚欄。
如此秋光原不負，依然故我亦何懽。
登高已廢茱萸插，三四弟
盪逝買醉猶餘

琥珀寬聚散十年真，倏爾好憑酬唱藉開顏。

哀樂中年說亦難，名花羞插鬢毛斑。
聊將旨酒娛清景，賸有遺經結古懽。
卽事和惟彭澤句，倩人整似少陵冠。

淡然相見忘言處冷豔原應冷眼看

疊韻

浪說長風送子安奔馳南北興全闌難參意外三生幻
且盡尊前一日懽澤國夜寒鴻雁集亭臯木脫地天寬
東籬黃菊猶堪把相共陶然一豁顏

二難交并事原難行見秋光滿目斑庭菊遲開勞悵望
故人話舊雜悲懽困心境遇嗟雞肋過眼雲煙憶豸冠
謂香雪姊丈 差喜此身猶健在連宵風雨對牀看

憶弟

幾度春窗憶阿同倦翎無力逞歸風江雲夢斷斜陽裏
惺齋詩存

三

別浦愁生細雨中似草青袍猶瀉綠入簾花色定羞紅
河流九曲腸堪擬不敢輕題閣道東

都門人日送友南歸

燕市同爲客君歸我尙留淒涼鷓鴣賦顛頽鸚鵡裘春
酒銷微祿鄉書託遠愁寄言同學者心事愧林邱

湖行卽事

綠漲春波濶江城易夕陽浦深漁艇集岸曲成雲荒帆
影依沙合詩情觸酒長射潮空往事明月滿錢塘

惺齋詩存終

惺齋先生海門鄉望族少爲諸生有聲黌序棘闈屢屈
例貢成均秉鐸安東宿遷諸邑所至宏獎人物引掖後
進其在宿也適觀梅林樵使築芳渚軒於聖壽寺之南
陂與先生迭主敦槃圪揚風雅文酒之會無虛日先君
子嘗與焉未幾先生以疾告歸環堵蕭然意湛如也所
爲詩務在陶寫性靈不屑屑規撫格調而藹然風度時
流露於行間余生也晚不獲撰杖從游然餘韻流風時
殷慨慕其詩曾徵入五山耆舊集先生嗣君盥蓀與先
君子結契劇密復以詩世其家云世再姪王璽之謹跋

惺齋詩存

跋

一

友海

稿鷗

集

海鷗集存稿卷之上

崇川成 儁盥蓀著 鴛湖王 相惜庵輯

擬謝惠連秋懷

秋心百不似秋聲最能肖長風動故林千里發唵嘯入
戶鳴蛩悲繞樹乾鵲噪耿耿銀漢斜落落明星照攬衣
露氣深流目棘螢耀繁憂集百端遐思週四隩身世誰
復忘形影自相諠不爲苟富貴貧賤豈所好不解獵聲
華名實敢無校未識今人心矧復彈古調願言契素襟
求友勵清操用驅平子愁緬想任公釣榮瘁互往來歲
月易老少結衷伸短歌沈寥恣遠眺

海鷗集存稿卷之上

贈范大在田

廿載兩相見歲月何匆匆中年感聚散人事如飄蓬憶
昔縞紵始行合趣復同陋彼管鮑交願爲雲與龍功名
各努力志行相磨礱一別近十載歸卧滄江東落月照
顏色夢魂千里通千里秣陵道乍見疑夢中浩歌凌月
窟文戰酣秋風天高一鍛羽駿翮羈藩籠人生洵由命
安事文章工我時意不適投筆思從戎苦爲毛錐累難
開兩石弓北走歷幽燕意氣徒英雄旅食十年慣妙手
仍空空故人復相見惓惓詢初終得失久不計解嘲呼
塞翁遺我白團扇報以青芙蓉所學非所尙故人圭璧

躬撫時再三歎雲泥感飛鴻

題宿豫項王廟

成敗何須論英雄死向生快心秦一炬高義漢孟羹叱咤風雲變縱橫壁壘驚如何衣錦願要向故鄉行

百丈洪用東坡原韻

萬斛泉源隨地波天孫織錦龍爲梭鬪奇鑿險詫心目珠璣錯落光不磨繪水有聲石欲轉洪上遺蹟傳東坡千秋想像黃樓上珊珊仙骨衣芰荷彈丸流轉恣嘯傲翻水掣電回湍渦驚起蛟龍不敢怒字中蝌蚪投文河春風二月彭城道詩中景象胸中羅但見黃流瀉城角

海鷗集存稿

卷之上

二

隔岸山勢如奔駝境易險夷不一瞬懷古空羨公委蛇唯應山人雙白鶴歸來猶記當時窠古人不朽不在境逝者如斯其奈何欲語羞同勞悵望毛尖穎禿空煩呵人事代謝驚逝波千秋倏忽一擲梭文采風流足俯仰昔賢遺蹟嗟消磨長洪陡落桑海改驚濤駭浪成平坡路人指點東南望但餘淺水浮菱荷汴泗交流失故道黃流旋入長淮渦我讀公詩見奇險盤空浩氣如渾河元珠一失不可得空使罔象窮搜羅大川可涸石可鑿尋泉知脈無明駝只有四山青未已雲龍作勢猶委蛇景物遷移當境異天教脫盡前人窠今之視昔已如此

後之視今將如何便欲歌詩證今古時覺蜃氣空中阿
夏日登秦郵奎樓

淮海孟城勢鬱盤城隅高閣倚欄干天開畫意千家小
風挾湖聲六月寒雙塔低從閒處立孤帆遠向客中看
徘徊擬賦登臨句菡萏香來沁肺肝

登文游臺

四賢遺蹟峙淮東文采風流一代雄來者易生當境感
古人不死此心同葭蒼露白秋光裏畫意詩情夕照中
猶幸層臺留梵宇秦郎天碧已成空

菜花和黎湛溪河帥韻

海鷗集存稿

卷之上

三

到處看花劇厭頻閉門種菜喜紛陳分來白屋原知味
散盡黃金欲買春佐我饗飡餐秀色憐他桃李委芳塵
等閒識得蒼生面莖草何妨現化身

隣翁拄杖隔籬呼香滿前村酒滿壺三月春光平野駐
一畦花影夕陽扶東陵學圃饒幽興南畝躬耕寄遠圖
佳色亦娛彭澤宰底須占夢到成都

摘滿筠籠歸路斜嚼根風味不爭差香盈十里桑麻地
開避三春富貴家來自田間輝綠野寄人籬下笑黃花
太常贏得清齋慣千畝撐胸邁笋芽

辜負年來百事非灌園心跡映朝暉但看擊壤怡黃髮

未解行春媚繡衣玉版同參矜物薄金鈴自繫惜花稀
從來不慣雕欄護甘讓千芳與萬菲

邱月樓屬寫桃花源圖并題

結廬人境車馬擯仙住紅塵人不信淵明幻出桃花源
秦亦無人况魏晉浮邱我友塵中仙象外求象元中元
屬寫武陵三百樹堆梁一一如雲煙天在山中不可見
心上良田窺一線丹青好手疑且嗤界畫全無施采綸
蓬萊雲車天台霞意中何處非桃花山之顛兮水之涯
知是君家是吾家世間萬事皆如此請畫雲山從此始

感懷二首

海鷗集存稿

卷之上

四

雙眼年來一例青惱儂蒲柳望秋零繁華夢少人難老
憂患生多酒易醒不合時宜從我好獨彈古調倩誰聽
閒情賸有游山癖收拾煙霞悅性靈
不薄功名爲友生浮雲心跡樂觀成畏人獨踐千秋約
遲我閒游五岳情春酒亦宜新雨釀秋山都愛夕陽明
眼前盤錯非無故陸地波濤已變更

登塔

浮屠九級聳金閭絕頂登臨俯下方萬里風雲歸指顧
三吳煙火入蒼茫雞蟲世上悲塵夢色相空中悟法王
不是低頭看飛鳥幾忘身在最高鄉

酬盛小雲兼呈蘭蓀先生

孤吟酬寂寞風雨一天深逝水不稱意好山都上心舊
游還若昨昔感忽成今頗憶陳无咎蕭條孰與斟

咏四面蓮

池邊繞佛記前因霞簇雲連入眼新在水一方無向背
憑欄九曲見精神生成絮矩稱君子妙相分身學化人
我是東西南北客花開十丈總相親

遲蘭

眾草已如此美人胡不來同心勞悵望幽谷漫徘徊入
室人相忘當門幾費猜無慚君子佩莫惜破蒼苔

海鷗集存稿

卷之上

五

丙戌夏秋淫雨四閱月初見明月惜庵有作依韻

奉和

夏秋悵望無明月幾度相思見面難青玉案頭逢舊雨
水晶簾外耐清寒當歡不隔人千里久渴能消雪一團
私祝姮娥光夜夜不辭風露徹宵看

再疊前韻

月到中庭可靜觀一年好景得來難天開玉鏡心先朗
人醉冰壺夜不寒高咏入雲瞻兔魄清潭徹曉試龍團
盛游每待成追憶莫笑眠遲仔細看

和李芷江見寄五古原韻

秋水日溯洄所思在淮浦百里明月光兩地同疑仵勞
薪不自由帶水嗟能阻所信君子心在遠敦古處憶昔
聚首時清談追典午行合趣復同塵累棄如土射覆與
敲詩樂事難枚舉君才本謫仙不懈及於古謂我毋患
貧困窮天玉汝斯言銘肺肝寄食求吟侶亦欲獻芻蕘
勤淬修月斧毋忘騰壑心好養狎霄羽多文卽爲富盛
世無終寔任嗤五石瓠須學千鈞弩月暈自生風雨集
先溼礎相感物皆然結衷思一吐今秋接夏陰少得豁
眉宇近喜佳日多秋月照庭戶頗積唱和詩遙足張旗
鼓會當置郵筒遠寄質燕許涼風天末來一聽蒼葭語

海鷗集存稿

卷之上

六

和春堂咏落葉用漁洋秋柳韻

蕭蕭瑟瑟斷吟魂遮莫尋詩夜叩門幾日西風思舊雨
一林明月認秋痕蒼茫屐踏荒山徑搖落薪添老樹村
有客供書曾積屋辭柯百感不須論

玉樹凋殘夜有霜無邊寒色下陂塘續紛風掃千金帚
絢爛秋歸七寶箱楓冷吳江驚過客鐘催蕭寺禮空王
飛黃亦有騰霄意蘸筆思題碎錦坊

江關迢遞墜征衣路入淮南景物非秋水乍波形脫界
夕陽初下影依稀稀山空古戍聽猿嘯雲起離亭逐雁飛
身世飄零歸路遠就荒三徑故園違

紛紜物態劇堪憐
榭亭皋捲暮煙
詩味空迴腸宛轉
秋心易老樹纏綿
寒知松柏原多日
雲臥衣裳不記年
蒲柳若能參剝復
平泉綠蔭在梅邊

新晴

斜陽明雨後
霽色上疎林
小立添詩興
長途慰客心
煙開平野迥
山壓斷雲沈
逸響來清越
秋蟬鳴素琴

旅夜

旅夜不成寐
蕭蕭風雨侵
年華爲客老
愁思與秋深
直木傳商調
寒蛩尙苦吟
五更雜唱處
惆悵一生心

戲馬臺

海鷗集存稿

卷之上

七

一著全輸一局棋
彭城都後此身羈
諸侯自古關中王
天下何人馬上治
落日秋風迷遠道
荒煙蔓草沒殘碑
只餘十丈臺前土
曾見當年衣錦時

放鶴亭

人去亭空鶴不回
滿山黃葉白雲堆
碑陰亦擬新題句
屐印猶疑舊啄苔
高士一生原獨往
羽衣千載應歸來
登臨攬勝無窮思
空對斜陽磬綠醅

和竇松軒秋裏韻兼憶棘闈諸友

老愛閒身少是非
秋風起後未言歸
殘荷尙有絲連藕
衰柳應無汁染衣
舊雨情偏隨地集
暮雲懶不上天飛

遙知文戰江南客振策登山馬正肥

卽事

自歎徒薪拙燒空事可嗟
三人成市虎再飲釋孟蛇
雲本無心出風偏著意
斜山林頑石影空累
蟻含沙

無題

隔院歌聲忽繞梁
鏡中憔悴謝鉛黃
思商舊事春如海
看到名花夢亦香
寂寂朱簾愁晝永
迢迢銀漢怨秋長
停針觸處添惆悵
一半因人作嫁忙

擬向花叢護鼠姑
天涯生怕唱驪駒
黃梅雨裏鳩呼婦
綠柳風中燕引雛
祇有一癡酬碧玉
能無雙淚報明珠
海鷗集存稿

卷之上

八

采蓮識得蓮心苦
未肯從人泛五湖

彩鸞要入列仙家
夢躡銀虬化莫邪
碧海控龍眞似馬
瓊樓呼鳳竟如鴉
蓬萊水淺牽裳易
雲漢人歸抱瑟斜
異卉奇葩渾不識
祇會相識是桃花

鶯鶯燕燕一時新
花笑從知任柳顰
鬪草心情偏自靳
養蠶天氣不能均
冰弦怕奏明妃曲
絢服難過妬婦津
兒女英雄原一例
莫愁湖究屬何人

游仙疊前韻

夢到天台過石梁
浮屠世界總金黃
婆娑自識恒春樹
狼藉誰收聚窟香
衣是六銖猶覺重
花開十丈未爲長

岫雲澗水無心動天上人間一樣忙

擬訪孤山大小姑恨無赤鯉當龍駒偶思鷺嶺攀鵬翼
不上揚州借鶴雛音和五弦原實瑟線穿九曲是珍珠
垂虹秋色東南滿霞綺催人過練湖

問訊蓬萊五百家憑虛遵海辨耶邪排雲撥霧逢青鳥
鼓浪搏風浴黑鴉手擲丹砂能變化槎通銀漢任橫斜
樽桑朝日紅霞映不是人間頃刻花

麻姑年少喜求新噴喚雙成不解顰靈藥許偷原是幻
天花初散幾會均偶來碧落猶迷路乍隔紅牆卽阻津
莫笑邯鄲酣一枕黃粱覺後又何人

海鷗集存稿

卷之上

九

海鷗集存稿卷之上終

海鷗集存稿卷之下

崇川成 儁盥蓀著 鴛湖王 相惜庵輯

懷卓借園

相逢不相識一卷訂交親疾惡知君性憐才許我真看
花酬酢始踏雪往來頻七載匆匆過光陰別後珍
猶憶寒燈對清譚每夜分也曾憐國士時復薄將軍屏
絕老生論咀含莊子文愜心同鼓掌僮僕詫新聞
厄閨生無氣顛危援手時存亡殫心力勞怨任公私征
路披風雨安居費護持感恩並知己在在繫離思
別况知君念娛親願又賒到來仍作客歸去竟無家菽
海鷗集存稿卷之下

卷之下

一

水貧猶昔匏瓜歎轉加未堪謀負米筆墨寄生涯

初夏同人坐月余體倦早眠惜庵用坡公韻相嘲

次韻自解

山中日長如小年卜晝猶倦矧卜夜造物與人無盡藏
清光招我明月下碧空萬里絕渣滓遙遙河漢銀餅瀉
目眩情移困莫支柳眠欲起如風亞風月從來未肯賒
幾費平生雙不借陳搏老子苦相邀對月清吟讓王謝
意中有月在虛空收光或斂元神舍愚人無夢笑模糊
黑甜味甘如蔗詩城待築氣先靡酒國未降心已怕
焚琴煮鶴罰有差詰朝分付流鶯罵

題麻姑進果圖

山果山花恰一肩記曾相識大羅天
比來莫問滄桑事不到人間五百年

浣花日百花草堂祀杜少陵

古人不朽不在境地以人傳在俄頃寂寞千秋萬歲名
錦江終古留花影浣花草堂灑西曲至今士女傳風俗
四月十九傾城行酣呼雜遝紛徵逐我讀杜陵小築詩
畏人心事已可知看花不妨今人共讀書宜與古人期
吾友惜庵鴛湖儻百花萬卷才不吝異地經營趣畧同
遙情遠寄心相印草堂聯吟風日清致齋三日交神明
海鷗集存稿 卷之下 二

題畫

一杯爲進桑落醅

石徑蠶叢闢人家住翠微天寒山意迥多帶夕陽歸
高閣倚山椒登臨蘚色交迴看飛瀑下晴雪落松梢

和朱石甫韻贈祝補山

王孫臺畔酒難賒客裏秋風正憶家
萍合東西惟白水雨連新舊是黃華
出門已愧山中草問渡還乘河上槎

千里故人它日晤不曾寂寞到天涯

感懷和李琴生韻

入世天教徹骨寒豪情偏寄五雲端忘機悟徹三生易
稱意吟安一字難懶記炎涼無宿怨不求溫飽有餘歡
窮通得喪須臾事多費人間冷眼看

供養雲煙道不寒娛情多半托毫端投時自顧無長策
來日誰知亦大難刻楮久勞名士笑雕蟲敢博壯夫歡
晦明風雨閒中景欣遇都當畫本看

擬東坡百丈洪用元韵

長洪山東騰驚波震雷破壁龍飛梭巨石激水水嚙石
海鷗集存稿

卷之下

三

金戈鐵甲聲相磨舟師習險循徑熟放舟駕浪高於坡
回首身輕似一葉猛風驟雨摧殘荷出險臨夷意轉眩
急流初緩猶生渦人生局促老牖下如鳥窺籠鼠飲河
名山大川壯奇氣須教異境胸中羅百年鼎鼎駒過隙
日月來往馳風駝與古爲徒信俯仰及時行樂何委蛇
坐隱能除煩惱鎖行吟爲闢安樂窩空諸一切適所適
質之師意其云何毋恃面壁九年意一葦輕試遭譏呵
織雲四捲舒月波波光電掣飛金梭美人悵望隔秋水
仰看明鏡光新磨憶事裏人發慷慨恨不身居相見坡
清辭麗句凌鮑謝皎皎臨風初日荷苔痕容易沒屐跡

跳珠濺沫驚翻渦，蘭槳桂楫隨繫泝。空明上下迷銀河，
裏中玉笛魚龍起。海上鐵網珊瑚羅，嗜奇不殊得異味。
金盤翠釜珍紫駝，邈迤循壑入窈窕。水光蕩漾形委蛇，
容與洪上恣嘯傲。重來應脫前人窠，人生有酒不肯飲。
攸鬱其如良夜何，三百年來無此樂。餘子應被青蓮呵。

題扇贈劉漢瑄

千里裏人水一方，清淮水共別情長。欲知海角天涯感，
煙樹雲山遠寄將。

記得秦淮舊酒樓，十年重晤話離愁。而今又作十年別，
如此相逢易白頭。

海鷗集存稿

卷之下

四

題畫

深樹柴關鎮日閒，夕陽流水帶溪灣。自憐秋思清如許，
又寫寒雲幾疊山。

峯迴澗陡鬱青蒼，邁軸閒閒水一方。欲向此中人寄語，
可能借作讀書堂。

斗室香溫自煮茶，閒憑筆墨寄生涯。朦朧山色迷離樹，
遮莫人呼是米家。

無邊秋思託荆關，木落葭蒼澤國閒。記得帆隨湘水轉，
會經九曲看衡山。

深樹林中住幾家，溪澄帆影映平沙。柴門鎮日無人到，

山曉風清落棟花

須澆壘塊醉愁醒閒借名山寫性靈不爲雲煙誇供養
愛他相對眼能青

清冷泉聲空谷聞松陰涼浸一溪雲澗阿獨寐人雖遠
樹擁峯回徑自分

盤空鳥道入雲通疊嶂飛泉萬木叢一笑移來歸尺幅
不勞辛苦學愚公

巉巖刻露倚霜柯點染秋光散薜蘿未必穠華謝桃李
此中留得夕陽多

秣陵風景記曾經嵐影溪光入畫屏此日臨池無限思
海鷗集存稿卷之下

五

筆端分得蔣山青

板橋茅屋映平湖深樹江村入畫圖欲寫遠山天際影
前林煙雨已模糊

松陰雨氣欲沉嵐小院門閒樹影涵隔岸晚風雲斷處
數峯青翠似江南

雲樹煙巒合一村雲煙深處是柴門晚風吹過山花落
亂葉飛來帶雨痕

後嶺前山晚寺鐘清鐘聲裏樹陰濃故人曾有游山約
知在雲峯第幾重

青山紅樹一溪長打槩催來笑底忙雞黍故人曾有約

菊花開後要詩償

青鞋布鞵記游蹤
歷徧雲山幾萬重
寂寞歸來聊寄意
稱心只有兩三峯

春水膩添紅杏雨
酒旗輕颺綠楊風
江南三月無消息
分付鄉情入畫中

感懷

嘯傲情移水石寰
故鄉蓬島幾時還
杯中獨對唯明月
畫裏重逢是碧山
未易才華流水逝
最關心事落花殷
比來自笑仙緣淺
昧卻靈根得句悭

梅花

海鷗集存稿

卷之下

六

寂寞空山自在春
幾生修到此花身
二分明月留官閣
一夜相思付水濱
風骨品推天下士
色香吟遍古今人
廣平賦後應難繼
只稱繁華不稱貧

桃花

三兩枝花竹外低
胡麻香飯出青溪
夕陽影裏春留迹
流水聲中路不迷
別有風情能解恨
更無言笑自成蹊
劉郎去後栽千樹
紅雨繽紛鳥亂啼

凌霄

淺紅深絳鬢長條
翠柏蒼松結久要
根爲纏綿難獨立
花雖依附自高標
赤烏丹鳳尋常見
碧海青天咫尺遙

點筆石欄翹首望倦飛蝴蝶怯風驕

杜鵑

子規聲裏識花魂
婪尾杯中放小園
入蜀青多愁望眼
映山紅徧見唬痕
鄉心枝上三更月
客夢欄邊五色旛
人到天涯易惆悵
感時撥觸憶柴門

蓼花

水落葭蒼澤國空
游龍花豔鯉魚風
沾濡零露垂垂老
搖曳澄波瑟瑟紅
爲抱秋心愁杜牧
曾無別恨惱文通
荒江一種蕭疎意
黃菊丹楓韻許同

海鷗集存稿

卷之下

七

余少耽聲律盟蓀世丈客余家每自塾歸必袖詩就質
世丈循循善誘偶有一得必拍案叫絕世丈紹聞衣德
胚胎前光旣屢躡場屋遂挾冊遠游放浪山水之間睥
睨壇坫之上刻燭分韻才藻橫飛間作山水出入南宮
北苑集中題畫詩皆具秋林烟散石骨自青之致道光
己丑君暫南歸先子夢與君同詠梅花先子得句云春
原人世事花有獨開時醒而不解越日惡耗至乃知韓
孟精誠不以生死間隔矣今茲校公遺集重以風木之
悲不知涕之何從也世愚姪王褰之謹識

存然

稿松

閣

燃松閣存稿卷之上

江甯顧槐三秋碧著 鴛湖王 相惜庵輯

畸人招遊莫愁湖

雙槳如飛下石頭披襟想晉風流青山影澹白雲沒
紅藕花涼清露浮江水湔殘金粉氣笛聲吹出海天秋
英雄兒女終黃土落日蒼茫我欲愁

雨中渡江

蒲颿纔挂又收回江霧迷人鎖不開風力欲飛雙槳去
濤聲如擁萬山來模糊雲樹峰全失零亂葦葭岸欲頽
我亦多情同洗馬茫茫相對掌中杯

燃松閣存稿卷之上

一

十六日招同王敘庵師陳文溥原張文毅齋林丈
雪晴韓丈奕山談念堂表兄家月樵叔集燃松

閣卽席賦呈諸丈

海內晨星落落孤諸公猶自老菰蘆半生模楷依函丈
十載飄零感餓夫無可報恩惟涕淚不堪多累是妻孥
心交更念張融否寂寞河山舊酒鑑

澹園舅氏下
世將近十載

二姊欲歸苦留不得追憶往事悵然有作

歡聚苦日短握別紛紛愁歎大妻泣嗚咽小妻泣汎瀾伊
余獨無言涕淚不可乾入春遭屯躓偃卧如蛟蟠姊聞
急歸視寬譬從萬端旣憂病骨脆復憫家道殘粗糲爲

我飮草具爲我安藥爐手親檢湯粥咨煖寒霍然病如
失骨肉欣團圞青春易受謝杜宇聲悲酸瀕行再三囑
努力加飯餐哽噎不成語刀刺中心攢同居患難時始
知離別難別離亦暫爾姊恩何時殫昔我孩抱日呱泣
形影單劬勞母氏力督課朝夕看我哭姊亦惱我笑姊
亦歡分燈更分飯膏沐稀容觀女紅佐館粥鞞椽膚無
完兒時事嬉戲每戴逍遙冠鵝鴨惱鄰右橘柚毆園官
長跪乞母憐觥撻姑從寬霜顏屢邀霽雨淚多暗彈眼
看弟成立拔戟登騷壇于歸得快婿指日鵬風搏中道
忽天折明鏡唬孤鸞操持困薪米典鬻空衣罄蕭條鬢

燃松閣存稿

卷之上

二

絲白一足夔蹠跚相依盼阿弟平地生羽翰誰知弟毛
髮亦等黃門潘雞聲感醢饗草色欺袍襪求名適滋戾
救過偏索瘢頻遭路鬼笑每被俗子謾釣鼈苦無術空
把珊瑚竿蕙難活妻子瘡補心肉剜童烏復歿逝霜雪
凋紅蘭竟辜阿姊望感激摧心肝差幸馬鬣封克舉雙
親棺松楸樹千本負土成高巒擬耕郭外田嘯歌希考
槃稍盡廬墓職餘事供盤桓了茲未了因逃佛羞蒲團
詩成血盈紙不忍書齊紈

姊屬余書扇

風雲倏變色愁雨天

漫漫

此日最可惜詩爲蘭君作

蘭君夢先人平甫觀察課督諄諄勉以讀書作
文旬日之間疊次入夢余因之有感書此勗之
此日最可惜來往如奔梭來者不可恃去者亦已多君
質既穎異君性尤安和青春易受謝白璧須磨礱君家
光祿公青年掇巍科聲名滿

日下簪筆

金鑿坡春城桃李富鐵網珊瑚羅交遊盡公卿戚里皆
鳴珂活人有陰騭昌後應不訛勉旃述祖德風雨勤編
摩阿兄宦塞外迢迢限關河書來惓惓意使我淚滂沱
况君年力富金石皆可磨青天有桂樹待爾持斧柯已

燃松閣存稿

卷之上

三

脫紈袴習休營安樂窩毋爲學鄙人壯歲空蹉跎

蹉跎淚如雨卧疾青溪濱良朋有秦宓說士甘陳遵苔
岑一以契雲龍遂相親醴酒爲我設茵榻爲我陳阿連
及阿阮玉立皆嶙峋感君纏綿意忘我腹笥貧忝然遂
北面似有香火因論文至夜半口角猶津津我才豈足
師我志良苦辛期君學業進下筆如有神期君立修名
孝友稱完人昔君趨庭日尋師洛城闈觥觥林夫子紛
綸并大春文章旣淹雅品詣尤精醇君時尙童稚不解
傳衣薪風樹一以悲海水飛紅塵炎涼逐時態飄忽憐
青春當我授書日正君履霜辰尋師向海上不如歸求

眞思親見夢中不如書諸紳書紳無多語寸陰當自珍
鳳皇不家食矯首翔天衢觚稜開軼蕩懷抱鬱以舒束
裝約我去我去偏躊躇丈夫重遠志亦豈憐妻孥馬鳴
聲蕭蕭爲君立斯須昔君出門去阿爺阿兄俱今君出
門去金注交腐儒風波託誠信眠食憂前途蒼頭覓李
善行李擔奚奴京華人材藪家家握蛇珠福命吾不知
君學猶粗疎小試或中雋勉旃操大觚不行阻鵬翼行
矣愁狼胡所幸試期遠尙有餘工夫願君勤屬文願君
多讀書明年捷秋風聲價重

皇都揚名泉下親追步伯也及萱堂喜健在温温奉花

燃松閣存稿

卷之上

四

輿門生曳金紫我亦光門間詩成再三囑此日君何如

悼蜨詩三十首

錄十八

余自姬人亡後意忽忽不樂抑情割愛終不自

釋適友人楊樂山出咏蜨詩見示中有句云不

堪夢裏逢三月也算花間過一生余讀之泫然

淚下因綜姬平生賦悼蜨三十首聊當寫照篇

中撫今感昔傷離惜逝如羅浮兩山風雨離合

是人是物不知情之一往而深也姬而有知能

無珊瑚來栩栩活耶

老去看花眼易紅風流迴首憶牆東生當紫燕黃鸝後

春在濃香淺夢中豔福已拚今世盡芳心肯逐曉雲空
尋常一樣綃裙化飛傍妝臺便不同

家在羅浮縹緲峰無端小謫滯仙蹤父蛾母蛹都難問
鳳泊鸞飄已自慵絕豔易迷金翡翠靚妝偷學玉夫容
閨中女伴知憐惜簾幙春寒護幾重

又值南園草綠時東風吹軟玉腰支春如醇酒心先醉
花隔重簾夢已知楊柳本爲消恨物海棠都是定情詩
書生輕薄終須恕一半顛狂一半癡

金屋妝成錦繡圍紛紛紅紫鬪芳菲纖腰自按花奴鼓
縞袂新翻玉女衣拚被鶯捎逢薄怒卻防蛛網礙低飛
燃松閣存稿

卷之上

五

風光大好心仍怯隨著銜泥燕子歸

遊仙一枕樂遠遠香霧朦朧襲滿裾紅蹴圓渦酣睡後
黃安嬌額午晴初兜來團扇風微顫簇罷羅裙態轉舒
絕愛玉獨相對撲湘簾不捲致蕭疎

零落籬門菜一畦多情忘卻路高低新絲鎮日繅蠶繭
香氣私教避麝膺苦抱空枝忙刺促強偎斜景恨淒迷
癡心不怕東風惱怪底流鶯作意囑

不解傷心不美人對花歡喜背花嗔繁華易醒千年夢
生死都爭片刻春妙舞曲傳風態度多愁越顯玉精神
蘭因絮果分明在杜宇聲聲勸最眞

南浦銷魂草又薰蒲帆高挂大江雲梅花帳冷空辜我
杏子衫輕合贈君此日分飛憐弱翅他年薄命有孤墳
青陵臺上朝朝望落葉哀蟬忍更聞

紅潮酣頰孕眉山燕乳鶯雛總一般墮地香名誇鳳子
驕人錦襖燦花斑應教金粟前身認不枉珠胎昨夜還
旁挺側生都莫問春風堆擁上鴉鬟

弱不禁風強自飄天涯消息斷蘭椒孤花一樹春無主
清露三升酒代澆簾外輕煙霏綠蠟窗前微雨溼紅蕉
腰支瘦盡渾閒事擬托鱗鴻寄錦綃

果然芳訊墮花梢半幅羅巾眼淚包人似春駒忙不駐
燃松閣存稿

卷之上

六

路隨歸燕巧爭抄情知陌上紅香賤忍把風前白打拋
去日天桃今在否柴扉不敢便推敲

珊珊仙骨奈卿何扶病看花眼一睽春到唬鶻紅雨盡
夢回芳草綠陰多人間何物容脂粉天上從來賤綺羅
已分乘風歸羽化多情還擬救飛蛾

驀地雌風喚鬼車中庭一白綉毬花仙山有路偷靈藥
香國飛身豔落霞金箔朱泥癡客夢玉膏紅蜜美人家
劇憐雙宿雙飛影從此春光斷茜紗

兜綿雲軟緒風輕紅煞夫容想玉京天上果然歸舞隊
人間何處覓飛卿餘花賸草空三月斷雨零煙了一生

千樹棠梨澆麥飯可憐鳩婦喚清明

春風又到綠莎廳儘有癡人喚不醒一夢甜鄉通漆黑
千年幻影照丹青悄悄雨暗紅蠶閣黯黯塵封白鳳翎
留取滕王新畫稿驚鴻幾度覓娉婷

絕迹飛行我尙能可堪追逐憶良朋收香畢竟留么鳳
鼓翅終須讓大鵬短夢輕塵都了了虛空粉碎一層層
無端又被莊周誤祇隔羅幃叫不應

潑水春寒凍不流忍教鄉再築溫柔遊仙已判成園客
得塔真應號粉侯鸚鵡尙呼金屈戌蜻蜓空顫玉搔頭
拈花鬪草都無賴紅是相思綠是愁

燃松閣存稿

卷之上

七

傷病傷春口自緘風前豔想一齊芟生非石燕能無恨
死住蓉城定不凡香土再搏終隔世仙風可御欲張帆
詩成謝逸真腸斷合遣司花署蜨銜

贈徐雨田兼寄王大慈雨

名紙驚看喜復愁故人家在海西頭書來問我米鹽况
別後幾經花月秋帶一分才增抑塞寄雙行淚說漂流
憐君同作諸侯客如此天寒尙遠遊

白門霜柳下棲烏泥飲空遲舊酒徒閱世自憐雙眼在
論文真覺寸心孤思君顏色看明月寄我詩篇抵貫珠
聞道茂先能說士娜嬛還許借書無

大水嘆用正輪韻

雄雷忽跳盪雨泣山精嘒騰蛟扇威虐瘡痍遍蒼黎排
山更倒海乾坤悶端倪怒極駭翻地方猛患潰隄江水
勢洶湧霖雨聲酸悽所至陷窪穿彌望皆塗泥居人苦
奔竄版籍無由稽浮屍蔽江下膏血肥野藜存者益憔悴
腫臃如玻璃頽垣日傾壓往往排牆擠盪舟出高家
沒髀驚流澌嗟哉竈觚上蛙蛤紛與齊避水若避賊譟
譟聞鼓鼙登高一爲望九達無餘蹊鳴雞上高樹咫尺
迷東西作書告河伯毀壁刑牲題汝職忝望祭廟食神
所棲東南力凋敝面色餘枯驚奈何縱龍屬俾我民卒
燃松閣存稿卷之上

八

迷天心自仁愛寓日增憫悽常平詎可恃奸吏吞湯渴
市糴孰平反米色攙霉低疇能策荒政當塗多亂詈安
得射蛟手盡殺剽水犀鎮以六郡鐵無俾滋鯢鯢望氣
坎雪嶠保生治夏畦矧今

大聖人水旱勤嗟咨蠲郵

詔屢下貪墨諄提撕慎勿烏攫肉乃至麀執臍飛章達
我

后此意天所後

喜雨

一雨鵲聲喜東郊方閑農飛翼及雪澤破凍春泥鬆溝

膝漸通水薺麥回春容豈惟蝮螭死亦免蔬果凶侵晨
勃姑叫壓檻癡雲濃山居日無事卧聽虛枕眷故人冒
雨至筍屐留涖蹤爲言米價善買舶來重重無田我亦
喜麤糲猶可供轉念寒食近墓祭經秋冬無因奠漿酒
涕淚霑青松晴爨翦兒輩拍手驅泥龍

哭張子瀾

一慟生才意埋憂又到君無棺填磊塊有氣鬱風雲弱
息知誰護遺書幾輩分

病中以書分贈友人

丸原應不瞑垂死訂

斯文

咤叱千人廢榱桷一座驚酒狂先指屈詩伯并心傾忤

燃松閣存稿

卷之上

九

俗難爲偶灰身不讓名低徊鸚鵡賦終竟累聰明

感債成奇疾憂生發浩歌知交如雨散詛咒患才多鬼

如彌騷激天刑教折磨

君以終身叩紫霞妙德真人判云行逢羊虎之年必有奇禍天

刑之乃所以全之也君何憾焉平心觀著作餘子竟如何

晚歲論交日青溪水上樓君才真十倍此敘足千秋

君敘

然松閣賦鈔

孤憤生無賴奇窮死亦愁空山驚噩夢

先數夕夢君手

持冥錢顏色慘沮俄得凶耗

相望涕橫流

始信峯

說來渾不信到此亦因緣陡絕疑無地虛空但有天紫
芝生石罅青筍落松巔便欲乘風去清都訪列仙

危橋通仄徑竟渡卽仙人怪石垂癭瘤森崖嘯鬼神青
迷煙九點紅隱日孤輪身世憐稊粟觀空定海塵舊有空定空

室今廢

遙山分郡縣螺縛隱青紅飛鳥望疑沒一峯孤愈雄人
家黃海外雞犬白雲中坐久渾忘返高寒起烈風

松濤喧萬壑寫韻入瑤琴流水百年意道人孤坐心煙
霞能讀曲猿鳥并知音便擬西臺哭忠魂旦夕欲明翰林江

天一嘗游此麗田其族子也天一與金海陽同殉節

師林題壁

師林開勝境十里便聞鐘僧老有奇態山遙無定容晚

燃松閣存稿

卷之上

十

煙蘿壁翠寒色薜花濃今夜聯牀夢孤雲又幾重

布衾涼似水轉藉白雲温木魅閒窺客山魃夜打門死

灰然芋火孤壁走詩魂俯仰慚身世吾生蝨處禪

詠懷用阮嗣宗韻

牙期邈曠世誰當理清琴收拾薦古錦零淚沾衣矜芳

草坐銷歇荆棘森成林臨風發微歎惻惻傷中心

名都彼淑女窈窕凌波翔體嫺靜婉婉瓊珮鳴芬芳贈

我合歡綺信誓要無忘薰香置懷裏斷絕摧衷腸清商

變素髮絡緯唬空房雝雝鳳皇鳴零露晞朝陽富貴永

相保貧賤徒離傷

條風轉淑氣朱英豔桃李花實爾不堅搖落自今始後
凋愧松柏散漫逐荆杞大化無終窮圓顛遠方趾生無
不朽名冥滅亦云已

浮聲汎瑤瑟清歌激迷陽鬱鬱元雲陰曖曖白日光一
彈弭素節落葉森微霜玉妃顧之笑幽蘭吐其芳泠泠
天風吹飄飄素衣裳馳情結雲表豈戀咫尺翔生存兩
契闊永沒無相忘

穆滿觴瑤池西極萬里道黃竹一以歌蒼顏詎長保我
有同心人天台拾瑤草一別經十秋相思令人老常恐
成衰遲君來及姣好

燃松閣存稿

卷之上

十一

淮南叢桂樹偃蹇生岩阿無人慕窈窕山鬼微陰過不
愁令節晚心惜秋風多少年事結客馳譽傾三河壯歲
去奄忽攬鏡空咨嗟

疾風捲枯籜涼雨生暝幃旣感時節變復爲蒲柳悲大
塊鼓噫氣搖落當語誰金英耀秋鞠幽姿弄寒暉挺霜
固其性歲晚從之歸

朝上黃金臺撫劒動悲歌壯士去不返酒徒時復過思
頓羲和轡白日空蹉跎寒風起蕭瑟極目惟長河暴秦
翦六國寬囂積已多荆卿偉志節賈恨當如何

元化甄大鈞包含廓無外萬古同一塵山河此襟帶偉

茲命世人龍躍與時會彌縫澆俗淳揮斥濁流害向無
詩書澤悠悠獨何賴

蒼梧一騁望遙睇荆山岑欲齋素女瑟一鼓青楓林二
女不見答淋浪溼衣襟浮雲結楚甸萬里生重陰冥冥
深夜雨烈烈哀猿音泣盡鳳皇血焉知斑竹心

越溪采素葛吳綿織織衣幸得薦君體薌澤相因依但
賞素質豔豈念紅女飢手爪妾自惜棄置君所悲因風
化采雲宛轉相從飛中道犯霜露脆薄將焉歸

爰居避風至焉識鐘鼓音憂愁瞪目視羽降隨漂沈小
智荷殊寵酣身恣荒淫凶害灑然至糟邱築成林安得
燃松閣存稿

卷之上

三

曠懷士一騁青冥心

志士惜晷短躡影過鄧林魯陽竟迴照悲谷馳駸駸風
霜抗高節天地明孤心時危悟忠款執手空涕淫安樂
轉棄置患難豈復尋眷言始終意太息誰能禁

子雲不曉事寂寞空著書元文竟何有悠悠千載期五
侯競門第榮華使人思朝乘朱轂貴夕上邛山時賢愚
諒同盡皇皇欲何之三復井眉贊不飲空自嗤

長卿既倦游冠蓋辭大梁彈琴遇文君輸心達微茫龜
瓜感無匹中夜相翱翔驅車臨叩市四壁徒相望青山
蹙眉黛紫裘凋肅霜不有慕才主彼美心徒傷王孫大

駟耳交驩固其常如何白頭歎辛苦著篇章

六鼇屹海柱莫挽山岳傾瞳瞳搏桑日向夕歎已冥瀉

水不思器漂英徑辭榮今豈昔所頓後豈今所生有生

譬朝露弱草棲熒熒造物巧搏控親屬斯合并恩愛尙

難保况乃名宦情

太阿秉龍德濫濫寒泉光瑩以金鵬鵠飾以雙玉璜願

言奉君子佩服傳芬芳威名振絕域晞髮鍾山陽恩離

快一決矯若神龍翔君言刃已頓寸斷置我傍人微物

自賤何用相悲傷

采桑滿蠶箔桑盡蠶吐絲團成合歡繭及爾燕婉期綢

燃松閣存稿

卷之上

十三

繆理密緻雙臂繫綴之豈意兩連愛中道相訣辭桑以

直見伐絲以柔見欺感君昔同澤泣涕終保持

魯連黃鷄子一舉縱青冥談笑卻西帝拂衣事長征英

辭沮金石薄海傳義聲神龍不見尾下視蒼蠅鳴悲哉

其任客降虜歸秦庭

束髮冠鷄鷄勇爵厠羽林交驩黃金賤噓氣白日沈清

歌激浩唱簫管競繁音金吾但陰喝趙李復追尋不遇

報讎子焉識朱家心

至人御六合感精降陰陽一出拯世難再舉恢天綱功

成被金石雅樂歌帷房冠裳耀春日賞罰明秋霜君臣

眷同德千載相輝光嗟彼蓬萊子咫尺焉得翔
同生各志趣有鳥棲桓山不念黃口時接食飛翩翩乖
離母心痛中夜聲淒然求曹誤妃偶鳩鳥誇嬋娟慎勿
信鳩鳥骨肉痛相連

楚王罷畋獵夜宴章華臺酒酣呪周鼎顧盼何雄哉金
輿夜半出玉座生蒿萊當時同輦人稱壽豈復來滔滔
江漢水洪波蕩飛埃豈悟侯王貴下同塵與灰

燭龍耀九地不照漆室幽女夷鼓萬竅不改金行秋降
衷有三命身世良悠悠若可智力競江水迴東流達人
事委順仰視輕雲浮有身乃大患無爲久羈留閔生決
燃松閣存稿

卷之上

十四

癰瘤觀化同嬉遊凌晨鼓柁去漂颿汎虛舟

魚鳥忘江湖蛟龍泳湍瀨時際理不違性慳形乃外古
有榮啟期行歌挈索帶遠念世上人衣食各有賴胡爲
巧偷奪擾擾遭凶害不念止足言憂患方此大

玉馱趣飛駕流覽周八荒騁志亦有極故鄉安可忘庭
前朱華樹照爛白日光芳時逐衰謝感此意氣揚志士
念邱壑勇士思疆場生存志節顯已沒榮名彰此願苟
不副哀樂將反常

神仙亦何樂孤抱鬱不舒脫屣去親愛汎若波中鳧林
深虎豹慄服食固有虞迢迢易遷宮升降事涉虛一爲

鬼狐蠱永與人世殊空山氣淒愴歲晚誰與娛燒丹亦
已誤况乃司籙符不如飲美酒行樂休躊躇

生爲丈夫子顧盼豈不雄章縫被服姣禮樂聲施隆尚
友托千載淑問昭有融誰令跼蹐行約已忘謙沖日言
市虛譽昏夜莽伏戎鄩山積咎釁學賤身豈崇冒恥觸
世網焉能保其終歌詩感城闕悠悠跂宗風

黃鸝奮六翮下集昆明池迴翔啄鯨鯉進退得所宜遠
隣鶯鳩輩抉起枋榆枝大小各有定沒身寄藩籬去
謝羣鳥慎勿相追隨

流螢照墟墓清霜被蒿萊念彼泉下人言笑安可陪生
燃松閣存稿

卷之上

五

前不作達一冥良悠哉

賈胡一何愚剖腹藏明珠風波涉危險去去遠室廬歸
來詫鄰里炫服鳴輕輿豈如耦耕樂桑柘生路隅自非
旱澇歲沒身無歎歔衣食取纔足俯仰亦自舒

燃松閣存稿卷之中

江甯顧槐三秋碧著 鷺湖王 相惜庵輯

題溫伊初孝廉吾山全集

文章筦氣運今古相推更自初有作者命世才從橫所
學皆實驗庶物資權衡不朽并功德是爲不虛生出處
雖異趣千載揚駿名邇來頗衰茶俗學紛并阡舉世逐
荒蕨川谷爲聾盲生才不逮古誰與掣長鯨豈無嗜古
士篤守先民程窮鄉謝講誦孤學來鬪爭燕石寶緹襲
康瓠夸壘畧白首握丹槩學藝終無成溫子蹶然起復
古心怦怦讀書恥章句抗志希前英力掃俗窠曰獨奮
燃松閣存稿 卷之中 一

驚人鳴闡揚必忠孝根柢歸性情威鳳一以叫百鳥不
敢聲秋嶽聳精峭疾雷走鏗訇萬壑洞呀豁弧線仍孤
平充其力所至太阿失專精餘事乃治詩足使韓杜并
平原氣淒愴廣樂聲明清陋儒苦舌橋轉復相詬輕高
心眇流俗俛得非所營訪才遇文海鐵網羅春卿一名
豈居重萬目徒驚瞳窮秋聚海上握手雙心傾願慙學
荒落廿載空研京對君恍然失惜此春苕榮思乞士安
敘一謝時世評爲子敘然松閣續藁懽宴苦日短飛蓬事孤征行
將返故山誅茅學躬耕願君出所學高步天衢亨膏澤
丐萬物

皇路歌由庚論事先膽識服官矢廉貞謝安才繁繁子
橫氣觥觥晉詩當左券用以將吾誠

遊黃山道中書所見

山雨一夜晴溪流百泉活矯如鷹脫鞵疾如箭離筈琴
箏咽幽潺雷霆鬧轟聒中流忽踏蹬醜石故相殺水怒
不讓石洶湧萬山拔猛釐鋒疑摧餘勇怒猶戛導以兩
白龍驚濤濺飛沫游鱗靜可數苔瘦綠如髮洗眼看青
山雙眸一爲豁

青山撲面來拱揖互相讓連岡既搖裔複嶺尤跌宕中
間起一峯卓立表孤抗環山并松竹蒼翠不可狀徑絕
燃松閣存稿

卷之中

二

心已通峰迴日逾曠惜哉稻田少山力太憊壯安得夸
夷子鞭石驅疊嶂萬頃成膏腴千艘轉漕饒山石如點
頭微吟答樵唱

高秋厲爽氣萬木淒以黃商颿吹葉落蓬蓽從之揚棲
雅坐相救戀此牛背光疏籬紫豆莢汀洲白蘋香采采
夫容花幽溪媚紅芳

野田中見木
夫容一株

以彼柔脆姿詎能耐

清霜後周有松栢冬心藹青蒼生理盛必盡毋爲怨凋

傷

老人峯

衆生苦濁歲老人獨觀空自初有天地拄杖無始終若

非磨鏡叟卽是龜桶翁髮被仙草綠顏駐朝霞紅有時
誤伸腳踏破青濛濛興亡閱僧臘心孤體自崇會須騎
白鵲與汝棲樊桐

眉毛峯

佛說具善相珠眉爛銀光震旦攝毛孔鞭心入豪芒茲
峯乃具體疏翠森成行織蛾掃石黛攬鏡難爲妝山鬼
笑含睨要眇時相望松毛閃天眼覆此晚晚睚世無張
京兆雙彎爲誰長

仙掌峯

五峯秃如指高蹠遺仙蹤朝天有佳俠捧出青芙蓉三
燃松閣存稿

卷之中

三

霄墜沉瀼冷逼金莖濃側看比合十膜拜何雍容誰將
兜羅綿塞此卍字曾有時拍掌笑萬壑酣笙鐘指禪竟
誰豎根鈍慚天龍

清涼臺

看山不厭高一 步峯一變孤臺峙清涼萬壑俯葱蒨初
日騰朝光草露溼猶滋丹林一夜霜華藻媚春絢山好
如貢奇橫側總當面窈窕呈身容刻削露趺踞遠觀覺
疎宕少進轉研鍊賞偏愛難割目涉美疑眩坐久來清
風冷雲攪喉嚨采采金蓮花卽此五臺現

天風吹客衣欲與雲俱飛雲飛固無心蕩漾澄清暉偶

然挂巖際山骨爲之肥空綠不成雨孤煙散霏霏山意
如入定客心亦忘機萬竅返虛聽水流花欲稀安得抱
琴叟清聲發雷威心空咏無極超然謝塵機

白天門限至一線天得詩四首

山花不知名紅紫錯薪楚風來遞幽香鼻觀破初祖美
草藉芳茵文禽相對語心空萬慮清山靜似太古坐久
衣袂寒空翠落如雨

青猿聯臂下各各緣松枝倒垂示閒暇塞鼻相娛嬉山
果釀成酒亦知媚其雌道書頗能讀劒術將安施陰陽
互亭毒一物終無私

燃松閣存稿

卷之中

四

沈沈鐵牡關絕壁表廉悍鬼物騰青紅萬古變昏旦一
竅通微明激射日光亂虛室生吉祥理活氣乃貫燭龍
照九幽斯言儻河漢

陰崖積冰雪傳自羲皇年日光照不到空水相澄鮮旁
有枯松枝然之亦無煙萬物互蒸變陰伏陽乃愆安得
起姑射服食成水仙

孤桐曲爲節母陳孺人作

孤生之桐幹如鐵何年鑄此奇骨節風吹海水東欲裂
一夜華開白如雪青鸞蝕鏡鏡影缺生誓同夢死同穴
同穴心所安孤雛粥粥憑誰看從此涕淚不敢彈欲殉

大義爲其難青燈永夜高樓坐兒讀遺書母操作兒衣
鮮明母裳破兒飽餒糜母飢餓破格提攜恐疾疴忍心
觥撻防嬌情月落未落烏唬霜剪刀聲斷天蒼涼阿爺
衣帶猶在箱爲兒裁翦成衣裳春風蕩蕩吹衣香兒身
漸比孃身長會看黃鵠翔千里好博紅綾字幾行誰知
天意眞冤酷白頭人撫金環哭無藥能瘳枉拜醫餘生
欲代空祈佛上指三天下九泉輕塵短夢散如煙彌留
手握彈成血慘絕魂招語不全麥飯淒涼新繡帳苔牀
包裹舊衣棉人生到此眞難問海枯石爛留長恨開到
孤花雨露偏燒殘劫火精靈困我亦春暉未報恩東風
燃松閣存稿

卷之中

五

寒食感雞豚詩成莫作尋常看字字淋漓血淚痕

書陶宏景傳後

神仙樂宰相苦衣白山人與君伍一霎朝冠挂神武勾
漏沙同茯苓煮日聽松風看松雨華陽洞天白垂乳九
轉丹成變龍虎腦骨逢逢響天鼓笑把竹枝如意舞昭
陽殿作單于宮始識神仙有千古

風雨連日齋中默坐有懷周笛君趙倬人馬春泉

諸子因憶前月望日蘭君招三君集青鳳齋醮

飲彌日是日亦大風雨衝泥而歸別來已匝月

矣詩以代柬

空堂積水渾欲浮欲雨不雨聲颼颼忽如萬馬騰浴沸
天風捲作沙場秋頽雲片片墮簷瓦從以落葉紛簸蹂
芭蕉力大作撐拒勢如鏖戰不可休須臾涼氣逼襟裏
冰絲倒挂銀河流微明溼處閃鴉背萬綠洗出低竹頭
風驅疾雲如掃籜雲挾猛雨如奔牛是風是雨不可辨
但見煙光漠漠生簾鉤連朝天漏慳放曉石髮慘淡青
滯幽蝦蟆吹水瞪雙目蜺蜃筌壁蟠腥蚌閉門鹿鹿但
枯坐美人不見中心愁燈紅酒綠記昨夢相思彌月安
能寥二君才調古無偶搖筆便可凌滄洲奈何傭書寄
廡下使我結轡生煩憂移居喜植通德第平泉水石供
燃松閣存稿

卷之中

六

遨遊千章老樹增鬱怒陰廊窈窕迴松楸野狐跳躑老
鴉笑風噪雨嘯聲啾啾此時詩境定清絕一龕燈火扣
唱酬松枝煮茗爨煙溼清談更憶鯁生不人生行樂貴
適意安能閉置同拘囚何時同泛虎邱櫂何時共載山
陰舟醇醪疋量懷周侯鳶肩事業思馬周還將風雨高
齋意爲寄詩人趙倚樓

長歌寄孫顯甫

黃雞喔喔鳴枯桑海水凍合天蒼涼美人不見怨瑤瑟
烏喙月落歌繁霜君家門第舊通德起家秘省中書郎
杜陵厦廣遮寒士白傅裘温被洛陽至今都人述遺愛

往往涕淚沾衣裳君家大人肯堂構榜花早占秋風香
扶搖戢羽便歸卧手栽松竹皆成行日澆紅友醉花國
倦攜黃嬾遊書倉冰清况有秦學士青鞵竹杖看山忙
君才軼蕩更清絕碧梧小鳳鳴高岡憶初逢君正文戰
搖筆便已紛琳瑯韶光彈指過十載感我鬢髮成老蒼
嗜癖有癖獨阿好謂我癡絕同長康去年南城購書舍
欲與估客爭糴匡秕糠眯目市喧雜君獨宴坐無所妨
精心暗察鼠雀耗新詩妙發瑜瑾光爾時文園病消渴
閉門逃暑如燂湯珍珠密字屢寄意忽然起疾箴膏肓
朱提十笏納我衷桃花米熟擔盈筐瓊瑤欲報力綿脆

燃松閣存稿

卷之中

七

祝君咫尺翔天閭冬烘頭腦竟報罷歸來清淚盈毗睚
青春獻歲梅破蘂勞君置酒登君堂詎謂正謔靡不有
沉醉何止三百觴更尋虎穴探虎子山僧忙煞詩人狂
竊來珠履貽新婦添上薰籠坐洞房果然熊羆兆佳夢
投懷玉燕看弄璋書來喜字三十六號聲想見超尋常
願君努力述祖德竿頭進步無相羊立品須如鑄渾鐵
積學未許擎空囊山高放步莫嫌遠海深有權終能航
古來男兒重血性聖賢仙佛安可量雲龍蒸變澤萬物
否亦名世傳文章科名祇爲顯親具失不足恫得豈償
但教出處號醇士流風沾漑餘一鄉况君年富力強壯

橫磨十萬誰能當多君淳慤得古意惜君拘泥難通方
雙丸迅擲當自愛慎勿老大徒悲傷嗟余三十不稱意
年年刺促摧中腸命宮磨竭古所歎可憐百鍊無全剛
敬通稚子在襁褓左家嬌女方扶牀大妻愁顏泣明鏡
小妻高髻唬紅妝誓攜書劍出門去飄然騎麟遊大荒
欲留苦無饘粥計欲行苦無輕車裝丈夫有淚不輕灑
名士無家何所望張堪自可妻子託衛玠業已形神亡
金臺聚首問何日前塗良會真茫茫感君與我意良厚
爲君一曲歌清商人生知己那能再嗚呼此曲君無忘

和高陳又蘇詠影

燃松閣存稿

卷之中

八

分身擬上碧紗籠鏡殿風情晃漾中過眼妍媸都莫問
自家長短尙難同孤鑑委照應憐瘦一笑迴頭轉覺空
絕愛嗙肩高聳處形神消釋悟陶公

曉赴新河招同俞子木龔生謙夫葉生兩窗憩三

山二水之居讀壁間諸君詩因憶亡友張子瀾

悵然久之賦詩寄呈竹嶼觀察

高臺醜酒記青蓮香火仍留曠代緣

竹嶼取太白詩意於作聖祠後拓屋

三楹奉太白象

別構亭曰鷺水楹外江聲終鬱怒尊前者宿卽神仙成

日招同張古餘太守孫尹圃刺史方茶山觀察談念堂表兄朱嶽雲鍊師賦詩以紀之竹嶼撰記勒石朝

霞烏背千帆雨落日魚鱗萬井煙比似莫愁催艇子可

無荷葉綠田田

蕉雪圖成有作家不披宮錦亦清華蟬聲過雨亭三角
鷗夢分涼水一涯身後才名原畫餅閑中宦味似搏沙
相逢那怪頭俱白蘆荻蕭蕭也作花

過眼雲煙壁上詩鄒枚才調各分馳翻憐張祐埋憂日
不及夷門大會時生是有情皆落魄地當選勝倍相思
茂陵遺藁分明在還乞風人作主持

藁子代爲選次不能無望於竹嶼也

子灝病革時竹嶼贈朱提十餅今遺

題周竹恬芥圃詩鈔

周郎詩格清於水脫手彈丸無不美清俊時登庾鮑堂

燃松閣存稿

卷之中

九

高奇擬薄曹劉壘我更獻君芻蕘愚願君還讀千卷書
上之瑚璉珍國器次亦淹疋成通儒剛日讀經柔讀史
開卷有益良不誣試觀古人著書者穿穴各有真工夫
造物愛名不輕錫會須全力相委輸西山丁穴恣漁獵
曹倉鄴架供馳驅龍湫湧地噴百斛珠光照市傾五都
譬如仙人養丹藥烹鍊須向陰陽鑪傾筐倒篋靡不有
馭風叱霆皆自如可知一字不著處雲漿化液蒸醜醜
否則體弱文不稱伯仁有腹徒空疎風雲月露豔雕刻
圖成沒骨安貴乎聞君型家頗孝友天倫歡樂怡慈母
卽此能過鐘鼎榮莫教徒恃風華首况君未及相如貧

喜無齋襪淹頭巾一瓶可叩子雲戶千軸當貯曹氏困
嗟余卻受讀書累青衫潦倒心如醴淚古空教說綵裝
爭光未肯偕魑魅請君更東交遊蝶休作雲中驚蛺蝶
交雜都堪累性情人多那盡稱豪傑好向嫺嬛讀異書
他年同訂名山業

方景二忠祠

東嶺景公西方公先死後死同一忠麻衣上殿雪光白
緋衣上殿星光紅先生望重書種子秀才名隸文昌宮
有舌可斷血可喫死猶爲厲真鬼雄魂歸應逐火燒去
皮場一炬騰青虹株連十族逮瓜蔓成仁取義從同同
燃松閣存稿 卷之中 十
巍巍祠宇光日月文皇功業隨秋風生兒高煦况無賴
頃刻燒死銅缸中

東園步月同樂山作

城頭烏鵲鳴喳喳欲落不落煙光斜明蟾墮地寫空水
千林倒浸分了又清暉娛人照毛髮時有香氣吹林花
池塘綠淨不可唾吹聲聒耳喧鳴蛙跳波更喜魚潑刺
爛銀一色鋪蘆芽居人閉戶正酣睡但見瓦屋分凸窻
荒荒頓覺襟抱遠別有清妙無喧譁微風忽定煙柳直
花影自動籬門遮憶昨與君別三載面塵足繭行天涯
他鄉無此好風月蹉跎已自傷鬢華及時行樂須我輩

慎勿貧賤生咨嗟南城花事正嬌嬈明日約君過酒家

怨歌行九章 錄六

吳趨且勿歌巴歛且勿喧請君罷歡宴賤子歌一言人
生百歲匆匆死憂患先從識字始青銅璀璨日月光焉
用區區管城子滄海悠悠識者誰灼肺煎心竟何似飢
鳳甯食烏鳶餐斷琴甯對犧牛彈飛鴻冥冥志寥廓乃
爲稻梁漸陸盤舉足不慎蹈羅網天昏地黑行路難行
路難一杯酒槁死風塵勝株守丈夫肯戀兒女私拔劍
出門不回首

世路等棋局險巇多不平勝算各相握對面生殺心懼

燃松閣存稿 卷之中

七

塘灩澦大如馬估客停舟不敢下太行峻坂堅冰疑游
子拄杖不敢登人心奇險差足擬赤地無風捲波起讀
書不解通世情照人惟恃金眼睛尊前然諾一杯酒甘
言蜜語同膠餒耳餘結交號刎頸一朝賣友生危傾事
成不與其榮利事敗乃獨歸惡名儒冠著溺不可戴西
江之水難澄清

美人旣醉朱顏酡舉觴宴客金巨羅明眸皓齒揚清歌
銅盤照夜燒冰荷花光搖搖紅欲波嫣然一笑低雙蛾
中天明月今宵多玉繩耿耿明秋河蘭房清闕簫聲和
宓妃授枕留東阿壯心骯髒聊消磨流光迅疾如跳梭

修名不立當奈何

讀書不救妻拏苦挾貲去作洛陽賈大妻把盞小妻舞
翩翩裘馬客趨風金谷豪華安足數壁中窮鬼笑不休
迂儒那解精持籌人生貧病猶可瘳惟俗乃無醫藥投
君不見長安道上多貴游一朝零落歸山邱黃金不救
樁骨醜青衣裹束空慚羞無端竒想召天禍咄哉執鞭
不可求

憶昨結客金臺上長轂高軒氣何壯西山秋色落杯中
日射天門開誅蕩金吾斜睨不敢呵旗亭笑賭雙鬟唱
輕裝更作東魯游一輪紅日岱峯頭看花屢和南池句

燃松閣存稿

卷之中

三

把酒重登白雪樓梁園花事仍相待大隱夷門復誰在
黃河驚浪駕崩山紅鯉雙雙繪玉盤醉吐不辭賓席漣
詩成都借美人看長年漂泊人歸卧老屋燈昏棲馬磨
把袂誰憐范叔寒乞漿那惜王孫餓安得走馬盡交當
世之英豪與酣解贈千金刀屠門沽酒飲我曹一聲長
嘯青天高

鉛紋斑駁瘦蛟醜冰花洗出空空手霜淬芙蓉海氣秋
七星耿耿冲牛斗道逢俠客不可留絳衣帕首鬚如虬
旁觀偶說不平事風馳電掣神鬼愁歸來笑擲仇人頭
酒酣爲我拔劍舞冷氣襲人退丈五空中起落兩白龍

讓讓虛堂動風雨我亦嶽崎磊落人年來彈缺走風塵
噫嘻乎安得隱娘作婦昆侖僕償盡恩讎願已足

感遇

美人捧鏡忽然泣照見如花好顏色不因恩禮冠當時
那得秋風長棄擲絕豔由來見嫉深妝成一笑值千金
傳紅寫翠辜描畫轉綠迴黃空好音此時鏡光黑如漆
區區不照丹誠心君心妾眼中淚自向鏡前磨鏡背
聞風仙人顏色姝玉冠金簡天門趨風吹海水湛深綠
種來桃實皆紫腴桃花紅入江南北咫尺仙雲如不隔
別有真靈位業人玉龍騎斷無消息手折桃花贈一枝

燃松閣存稿

卷之中

三

玉璫緘札轉遲疑罡風吹墮平常事還憶仙宮種樹時
鍾山之英草堂靈兄弟顧我皆眼青韓陵片石誰其語
並世卻已同溫邢元方才望我所師儀毫學步終嫌遲
祇今蹉跎並頭白那能老作諸侯客羊公舞鶴葉公龍
眼底紛紛皆耳食東鄰寒女傷心人十年不字羞呈身
飛鴻冥冥弋何慕白鷗浩蕩誰能馴

燃松閣存稿卷之中終

燃松閣存稿卷之下

江甯顧槐三秋碧著 鴛湖王 相惜庵輯

踏災行

漏天匝月雨不止鋤柄生霉老秧死圩田十室九報災
曉起掌船入城市朝不見長官忍饑匍匐公堂夕不
見長官風刀刺骨寒無裳借問長官在何處搖手禁聲
吏胥怒長官昨日祠城隍爲民請命宵焚香官厨昨夜
斷屠宰願災不成漕不改道逢長官吆喝來攀轅泥首
心悲哀今年秋成擬大熟誰料蒼生苦無福田廬漂沒
居人空耕牛已賣餘哀鴻阿爺夜半護圩去可憐身葬
燃松閣存稿 卷之下 一

淤泥中長官聞言但愁嘆官符火速催查勘縣胥歡喜
里胥愁供給來朝竟誰辦膈膈膊膊雞亂鳴後村已踏
前村行縣官此行亦良苦可惜全災報三五連日飛章
申大府上請於

帝帝曰撫春風一吹瘡痍蘇高田薺麥青模糊矧聞下
詔蠲征輸澤有菱藕塘菱菰亦知水旱無時無慎勿遣
吏來催租

題車迪之表弟彈琴長嘯圖

新篁森森如玉束有美揚琴好奇服自寫琅玕掃碧雲
墨花鮮奪山眉綠綠過盧鴻舊草堂石牀苔老素琴張

思將法曲驚聾聽直譜中聲入大荒荒月色生叢薄
流水涓涓滿幽壑曲罷猶餘尾段高聲希但見天花落
落拓誰知萬古心龍歸滄海鶴歸林美人一去碧梧老
帝子不來湘水深深深欲下常儀拜嘯聲飛落青天外
塵世從教一顧難焦桐祇冷千金賣賣卻瑤琴更賣癡
七條絃絕水仙知憑將翠鳳千年食唾作冰蠶五色絲
絲風吹處衣衫動青霄凍合天無縫山鬼微吟窈窕詩
江妃驚起相思夢夢醒仍含絕代愁琴聲嗚咽笑聲秋
期君砍作如椽瓦月殿新修五鳳樓

介生招同謙夫汎舟秦淮大雨如注維舟柳陰稍

燃松閣存稿

卷之下

二

定雨霽月出興盡而歸賦詩紀之

侵晨屋角鳴勃鳩蔣山如墨癡雲愁陰陰垂柳湛深綠
有客正買秦淮舟欲雨不雨天意秋大風激水聲颼颼
芡衫捲作亂胡蝶蓬掀槩蕩不可收舟師擁楫客震恐
如鳥擇樹紛欲投大船銜尾蹈趨越小船窘束如拘囚
須臾猛雨濺飛沫蠓眼亂點波心漚雷聲殷殷水轟聒
萬斛倒瀉銀河流相看寒噤等蝸縮恨不五月披羊裘
倚欄美人笑吃吃招客避雨登河樓迴看翠輿已霑溼
煙光漠漠生簾鉤風吹雨來旋吹去纖翳詎肯青天留
腫黃一色渚煙暝鸞鸞月上東關頭玉盤洗出應更潔

奈何啟鏡微含羞迴舟擊汰歌管發吳娃楚豔騰清謳
鐙光照爛水波黑欲與星點爭沈浮興殊事極轉蕭瑟
深杯且暢今宵遊陰晴頃刻尙難定况乃身世多煩憂
夜深蝙蝠掠船過遠和殘滴鳴啾啾

觀賑行

皇帝御極之八載淮海大水民流移撫臣飛章請賑恤
詔書報可

皇曰咨務令實惠沾百姓各敬乃事其無辭窮檐額手
走相慶刺史以下咸奔馳粉朱計口徧邨堡魚鱗細字
防隱欺先期給與大官鈔臘正二月斯賑時小民得鈔

燃松閣存稿

卷之下

三

轉愁歎遠隔數月焉能支東家積錢堆滿屋西家聚米
高如坻不如將鈔易錢米減價猶得炊粥糜一朝設廠
按圖籍縱有年貌難爲稽錢龍飛處眼空赤坐視富人
腰豪垂中有黠者事要奪老拳奮起如禿椎喧聲雜還
訴官長云此射利能居奇長官一言百喙息爾自願賣
奚訴爲富人得錢爾亦活念爾窮餒姑薄答亦有至死
不肯賣扶老挈幼來階墀自晨逮午僅百戶弱者簇擁
強排擠晚鐘報罷俟明日郵亭露宿風酸淒敝衣露肘
齒撞擊枯瘦如腊頭蒙供道長不足供口費歸來赤手
徒傷悲亦知得錢不贍死

天恩浩蕩沾仁慈常平義倉自古設邇年轉濟蹇賈私
急公貸粟當踴躍奈爾拮据誰能疵官厨減膳滋味薄
朝夕供億斯取斯吏胥楮墨亦頗耗其有乾沒吾不知
但願來春美麩麥

皇風所被蘇瘡痍矧聞海州境遼闊民多棄地荒不苗
犁鋤已畢恃天雨猝遇旱潦功難施火耕水耨有遺法
老農先嗇良可師渠開鄭白資堵洩灌田百萬成腴脂
嗟哉水利誰復講太息成此觀賑詩

岳忠武送張紫巖北伐詩草書石刻題後

南人歸南北歸北朕北人也歸不得歸不得檜語塞中

燃松閣存稿

卷之下

四

原經畧亦有人二聖歸來恐相逼惟侯出身明大義涅
背精忠思報國建康失守獨全軍已報紅旗傳廣德是
時魏公初視師統制江淮資羽翼擬金伐鼓士氣騰一
笑知公能辦賊酒酣濡筆動悲歌直蘸淋漓血成墨豈
惟虵鳥見奇縱並遣風雲作鉤勒富平一敗惜才疏天
意人謀固難測從此朝廷主議和秦城王氣高無極紫
巖流落幸不死侯獨馳驅奮全力撼山容易撼軍難龍
虎烏珠皆動色金牌十二詔班師壞汝長城淚沾臆黃
龍痛飲復何時恨不回戈指君側已教樞密罷兵權旋
見圓扉忞羅織九哥歡喜兩宮愁片紙獄中誰所救祇

今遺墨重瓊瑰石貫精誠終不泐去年見侯手書表陳
蘇家藏侯授江淮統制今年見侯石上刻如侯忠孝固
謝恩表黃絹楷書墨迹無憾轉爲生才三太息

九龍觀瀑歌

九龍抱珠飛上天寶月不敢爭嬋娟雷公赫怒九關閉
罰使游戲青山巔當頭龍母舐龍子花胡倒植金須蓮
化爲甘乳五百道直與山勢同蜿蜒一龍探爪勢欲下
一龍弭耳趨向前一龍突起氣凌暴已落不落空中旋
一龍掉尾似迴顧旁行側注身微偏一龍直瀉如弩弦
一龍僵卧疑醉眠中流怪石忽撐拒狀若魍相揮老拳
燃松閣存稿

卷之下

五

元黃戰血灑空際散爲白雨凝青煙猛然一跌腰肋碎
直下千丈流濺濺旁有兩龍奮身救赤舌睽睽噴怒涎
陷爲窪坎濺飛雪雷霆萬古聲喧闐縣厓倒挂千足練
明鑄翠羽相澄鮮上有偃蓋不死之貞松下有渟泓不
測之深淵松毛蕩漾水波綠浮漚散激蜻珠圓我來山
中月亭午溪風謾謾吹吟肩砭肌空翠起寒粟思欲作
蜚飛翩翩呼僮汲泉撥松火百沸小試龍團煎會當騎
龍上天去流霞一醉三千年

開門石

千年頑石睡不醒諸天鎖鑰勞妃丁巨靈一怒開門石

如設帟幕張廣庭金光翠羽美無度翔鸞翥鳳來輜軒
秀有古篆發光怪年深尙作蛟螭形龍威選事不解讀
恐破天闕飛妖霆得無仙人作狡獪摩兜勒此新宮銘
大書深刻青玉榜亦如千佛夸名經石不能言對以臆
此山開闢天同青自來異境神鬼闕洞天福地多堅局
上藥時有異人采松風祇許頻伽聽踏歌李白去千載
無人藻繪雕山靈寒陵片石自可語今才疇復同温邢
惡詩疥壁半牛鬼隨風灰滅光如螢當門石漢笑齒瑳
請迴俗駕車無停我無沒石飲羽技對此石丈心怛怛
祇有慙猛具石性捫胸磊塊羅天星乞銘紅韉作騶導
燃松閣存稿

卷之下

六

求文烏帽開障屏狂歌甫畢闖然入天風觸指吹泠泠

雲海謠

仙風一吹山骨鬆白雲莽莽紛朝東雲將特遣鍊雲手
化作海水搖虛空山僧候雲等潮汐曳杖坐着青濛濛
初如組練拖一疋漸覺氍絮堆萬重網緝布濩滿天地
裁翦大被非人功又如白天湧鉛瀆銀青凍合玻璃宮
是雲是海不可辨但見驚波疊浪咫尺迷青紅眼前三
十六峯竟何有想被海神鞭叱無餘蹤偶從天外露孤
頂自肩以下滅沒隱見如神龍飛來仙竄一千隻都似
海人狎鷗踏浪動景何冲融忽然颶風吹起穀以縴時

見陵娥牧犢倒騎白馬揚朱驥我聞九州之外大鯤壑
五嶽盡入包羅中又聞桑田變海伏蛟蜃幻爲樓閣窗
玲瓏詎有化成千堞壘成海燦若星宿棲樊桐將毋山
靈逞怪變冰花翦水煩青童我欲騎鯨上天去決雲一
挂扶桑弓祇愁踏處白綿軟海水汨沒撞心冒煙消日
出海不見彈指現出青夫容

仙女照鏡

玉女梳頭對明鏡碧滑琉璃曉妝靚窺人含睇背人愁
一色芙蓉臉波映夢雨愁煙可奈何遠山青入黛眉多
何當更踏蓮山頂聽唱風前宛轉歌

燃松閣存稿

卷之下

七

文筆峯

乾坤不可攀日月詎容畫山神作意夸秘妍百變千奇
騁光怪無端擲作青天筆紫壑丹崖點髹漆風雨橫飛
十界空星辰倒影孤光出署名彷彿尖頭公咄咄怪事
疑書空青天向下筆向上鉤銀畫鐵何沈雄頂上花開
更奇絕無情石定嶮心血恍從海上架珊瑚直與仙人
作旌節近看乃是松槎枿三鍼五鬢揚天葩文成白鳳
都奇字詩到青蓮始大家臨風欲上通天表纔識之無
便煩惱劫後名山萬骨灰後人便是前人冀願天此後
莫生才但作石頭任顛倒山神雨泣如點頭手持天花

爲掃愁寓形宇內本過客且復遊戲窮雕鏤奈何三錢
雞毛筆妄思著述傳千秋笑呼白雲搨作紙萬斛倒瀉
銀河流灑空墨雨飛五色興酣落筆風颭颭詩成卻顧
同懷客助爾增修五鳳樓

登蓮花峯放歌

黃山之山如游龍高峯一重雲一重玉京仙人特恐一
直上天去手從空際擲下一朵青夫容夫容擲處千峯
裏頑石修成妙明果雪竇寒窩玉井春霞標豔藝金枝
火文殊道人初坐禪膝痕著石花爲穿當時豐干苦饑
舌不然寒山拾得那復留因緣飛錫一聲萬山吼青蓮
燃松閣存稿

卷之下

八

吐出青師口咒蓋能收五百龍乘船便踏千年藕

有石如萬

舳舻俗名采蓮船

一花一葉紛倒茄洞中蝙蝠噉啞啞須臾海

水湛深綠但覺化身百千萬億瓣瓣皆蓮花忽然低頭
學參拜一枝擔向青天賣劉翁爛醉失神儀天女聞香

破鼻界旁有龜鶴尤雋奇或蹲或伏恣遊嬉巢來玉菓

都呈瑞銜出天花便療飢

龜石鶴石高四五丈長約十丈形狀逼肖

昔游曾

上華不注陡覺寒空起煙霧若教移置此山間蹶泐恐
失花牛步絕跡飛行我不能手搏香象演三乘終須一

笑從師利蹴踏蓮花第一層

天都峯

天都一峯高插天開闔直與天爭先仰看一氣通沆瀣
俯視下界惟青煙千山萬山一齊矮或跪或俯趨拱前
當年玉女與帝博箭壺一擲驍百千天公哆口笑流電
撒花墮地成青蓮蓮花萬古不凋謝舉芳餌實來羣仙
銀宮金闕啟秘奧紫微斗宿相鉤連百靈總總恣游戲
時有鸞鳳鳴其巔罡風一吹石骨聳猿揉欲上愁攀緣
當門醉石都漫散手執局鑰張怒拳紅塵足跡那容到
金烏瑟縮餘孤圓縱然飛身學仙鼠奮身躍向虛空懸
轉愁醪醉不曉事叉手一跌深無邊否則冷雲刺喉吻
黃頭跼跼成飛鳶安得化身金翅鳥排空馭氣飛翩翩
燃松閣存稿

卷之下

九

因之左把浮邱裏右拍洪崖肩手捫星斗漱天乳紫濛
碧落供雕鐫雖無其事有其想且作調語夸狂顛山靈
惟恐洩靈氣一霎雲氣鋪成綿

雲巢洞

癡雲澹蕩天不收飛入洞口風颼颼詎知局閉不得出
化爲石乳空中流我欲高呼攫雲手盡拽白雲出洞口
雲睡乍醒如嬾行空穴一聲蟄龍吼

書田雨中見過留連竟夕書此索和兼示子慚諸

子

微雨忽霑灑蕭齋清似秋君來破岑寂相對惜漂流琴

劍依人苦薪蘇仰屋憂夜深還秉燭蟲語聽啾啾
辛苦蛾眉畫頻年立絳紗春愁濃竹葉生意禿梅花此
事竟誰擅前途安有涯終須見騰達祇我鬢全華

山色環滁好吟鞭得得忙醉翁千載後亭榭未全荒關
氣沈衰草江聲下夕陽畸人隨處有軋茁漫須狂

君歸自滁

陽爲余述所遇盲丐
驚書叟皆奇人也

蹭蹬憐吳淑飛揚感巨卿斯人皆篤疋如爾更聰明烏
兔信難駐雞蟲焉用爭名山他日付翦韭慰平生

梅鳴訪麗田生墓

青霞奇氣鬱遺阡高咏如君骨定仙墨妙縱橫鴻戲海
燃松閣存稿

卷之下

十

琴聲幽怨鶴飛天生耽大隱無朝市死戀名山有墓田
手種寒香三百本定知風雪抱花眠

白沙澗

細草疎花滿洞香山紅澗碧隱朝光松脂入地變蒼狗
雲氣上天如白羊跡印清沙芒屨溼響回孤壁嘯聲涼
陰陰石竇寒霏雨定有蛟龍起蠖藏

百步雲梯

一線單微走石梯更無蘿葛可攀躋青天直恐頭撐墜
紅日都疑腳踣低俯視森然毛髮動仰窺孤絕井參迷
登雲賴有同懷客長嘯丹崖望海西

坂磴院

石磴嵯峨絕嶂開二分投足尙驚猜山從鶴鶴巢中出
人向龍蛇窟裏來神龜青燼腕力鬼工雕鏤炫心裁
鯁生自有包身膽一笑商邱踏壁回

閻王壁

由蓮花溝約百餘步上閻王壁舊有碣石庵今
廢九如松翠葉攢聚如九柄如意今祇餘三如
意矣壁上鐫有華藏西來朝山暮海等字

纔踏風輪又劫魔陰崖孤壁起森羅天龍斜睨甘人鮮
山鬼含愁帶女蘿飛錫欲憑金地藏袒肩都是病維摩
燃松閣存稿

卷之下

十一

遊蹤到此驚魂絕包老眞應喚奈何

惆悵詞

一曲清歌換紫雲妝臺詩卷尙香薰無端銷注死央牒
繡被春寒悵鄂君
不關療妒怨鴛鴦不用嚴妝賦洛神自是僊家清苦甚
黃金難鑄董雙成

駱馬楊枝奈老何秋風秋雨病消磨憐卿莫作紅心草
世世生生眼淚多

出門流水卽天涯潘岳中年鬢已華從此河陽成陌路
傷心何忍種桃花

小別眞如人隔世相逢苦憶月初三樓中玉笛分明在
便作齊奴死亦甘

贏得吳儂薄倖名古來緣盡易傷情照人心事三更後
一盞殘燈分外明

接引松

插腳紅塵四十年白雲招我上青天金幢絳節如相引
知有洪崖笑拍肩

迎送松

傾蓋相逢若有情留君不住贈君行因風寄與蒼髯叟
除卻才人莫送迎

燃松閣存稿

卷之下

十一

燃松閣存稿卷之下終

秋碧先生鈞之鄉先生也善古駢文詩歌鈞束髮受書時卽耳先生名冀得一見爲幸旣而讀先生贈嶽雲羽士詩手摩心揣如或一見天不假緣而先生已死則此欲見先生之心又烏能執一詩而遽慰哉今年館宿遷王君甘岩家出惜庵先生所輯友聲集屬校列燃松閣古近體詩凡百首於是展卷一讀已而再三讀如咏懷踏災觀賑及游覽旅行諸作固不必執某代某人以狀之而風度清遠胸懷宕逸言論沉著乃眞如見先生者獨異鈞於先生非有勢位以闊絕之又非有數千里山川以間隔之乃一見不得且僅僅抱遺集以謂如見其

燃松閣詩存

跋

一

人此可慨已先生駢體文爲某所執後之君子復有搜採如惜庵先生者是又鈞所希冀一讀之也咸豐八年五月三日鷺洲江鴻鈞漱芳謹識

秋碧先生籍江甯少聰慧書過眼背誦不遺一字雲夢
吞楚奴僕命騷作爲文章千言立就嘗應京兆試都人
士交相引重摘句陶然亭邊呼酒黃金臺上勝槩豪情
一時無兩下第南歸慈雨吏部寓書先子目爲江東羅
隱謂不得貢之玉堂頌揚顯鑠鼓吹休明爲可惜也嗣
此教授里中披襟露肘而歌聲猶出金石亦文人之侔
僚無聊者矣所居釣魚巷自署門口思將玳瑁爲逸少
裝書願把珊瑚與徐陵架筆其抱負爲何等也尤工駢
體稿藏門人鮑小山家甘岩王褻之謹識

燃松閣存稿

跋

二

